



C40
4514
171

印度
著集

僧伽斯那菩薩本緣經
那先比丘經

上

聚

C40-4574



皇圖鞏固
帝衢遐昌
佛日增輝
濃輪常轉

僧伽斯那所撰菩薩本緣經卷第一

吳月支優婆塞支謙譯

毗羅摩品第一

若心陋劣者 雖多行布施 受者不清淨
故令果報少 若行惠施時 福田雖不淨
能生廣大心 果報無有量

我嘗曾聞過去有王名地自在受性暴惡好行征伐
時有小國八萬諸王首戴寶冠常來朝侍其王口惡
身行無善常為非法侵凌他境王有輔相大婆羅門
修清淨行智人所讚口言柔軟不宣麤惡有所造作

B 64853

能速成辦面目端嚴爲世所敬四吽陀典靡不綜練
諸婆羅門所有經論通達解了無有遺餘是時輔相
年已衰邁遇病未久奄爾卽世王及人民聞其終歿
心生懊惱思慕難忍時王思念不去須臾卽爲臣民
而說偈言

如何此大地 一旦無人治 如海無主船

隨風而東西 我所尊敬者 出家已成就

口善言柔軟 常能利益世 如何便終歿

令我心惱悶 猶如無燈明 而入於闇室

爾時諸臣卽白王言唯願大王寬意莫愁勿謂國中

更無有任爲輔相者是婆羅門雖復命終其子年幼
聰明黠慧顏貌端正世無及者戮言柔軟悅可衆心
修行忍辱心常寂靜無有僞慢貢高自大博學多聞
無書不綜利益衆生猶如梵王名毗羅摩唯願大王
卽命此人以爲輔相時王答言彼若有子如汝說者
我從笈來所未曾聞諸臣復言大王是婆羅門子常
求正法離於邪法愛護已法未能爲人王卽答言子
若是才人何得違毀先人家法若離先業則不得名
求正法者是人先父常以正法佐吾治國能令吾等
遠離衆惡雖作如是治國理務終不破失婆羅門法

如其彼人如汝說者便可召來諸臣奉命卽遣使者
召毗羅摩將詣王所到已就座歛容而踞說如是言
大王今日以何因緣而見顧命王卽答言汝不知耶
我之薄祐汝父輔相不幸薨殞大地傾喪人民擾動
我爲之憂其心迷悶時毗羅摩卽白王言夫愛別離
非王獨有如此皆是有爲法相也大王昔來不曾聞
耶若天龍鬼神阿脩羅乾闥婆迦樓羅緊那羅摩睺
羅伽沙門婆羅門若老若少悉無得離是終歿者大
王一切衆生決定有之大王譬如火性悉能燒然一
切之物無常之法亦復如是悉能壞滅一切衆生王

不知耶是老病死能喪衆生如四衢道頭華果之樹
常爲多人之所抖擻大王譬如駛河常流不停衆生
壽命亦復如是大王如金翅鳥投龍宮中搏撮諸龍
而食噉之亦如師子在獐鹿群威猛如我曾聞菩薩
往昔已來因緣墮於龍中受三毒身所謂氣毒見毒
觸毒其身雜色如七寶聚光明自照不假日月才貌
長大氣如排風其目照朗如雙日出常爲無量諸龍
所繞自化其身而爲人像與諸龍女共相娛樂住毗
陀山幽邃多諸林木華果茂盛甚可愛樂有諸池水
八味具足常在其中遊止受樂經歷無量百千萬歲

時金翅鳥爲飲食故乘空束身飛來欲取當其來時諸山碎壞泉池枯竭爾時諸龍及諸龍女見聞是事心大恐怖所服瓔珞華香服飾悉解落裂在其地諸龍夫人恐怖墮淚而作是言今此大怨已來遍身其策金剛多所破壞當如之何龍便答曰卿依我後時諸婦女尋卽相與來依龍復念言今此婦女各生恐怖我若不能作擁護者何用如是殊大之身我今此身爲諸龍王若不能護何用生爲行正法者要捨身命以擁護他是金翅鳥之王有大威德其力難堪除我一身餘無能禦我今要當捨其身命以救諸龍

爾時龍王語金翅鳥汝金翅鳥小復畱神聽我所說汝於我所常生怨害然我於汝都無惡心我以宿業受是大身稟得三毒顧有是力未曾於他而生惡心我今自忖審其氣力足能與汝共相抗禦亦能遠焰大火投乾草木五穀臨熟遇大惡雷一切衆生在三界中流迴死法亦復如是大王如是死法非以親近財貨求贖軟言誘恤而可得脫亦不可以四兵威力逼迫禦之令其退散是故當知如是死法決定而有是衆生常法以是義故大王於此不應生憂時王聞已心生歡喜復向諸臣說如是言未曾有也如是童

子年雖幼稚乃說先宿耆舊之言時王卽語毗羅摩言汝不知耶汝之先父愛護於吾猶如赤子是故我今感其恩重憂愁迷悶吾今輕弱頑嚚無智如汝所說吾永無分汝今若見垂顧矜哀願紹先嗣纂繼家業我當誠心盡壽歸依時毗羅摩卽作是念我今如何一旦對至今聞此言莫知所作猶如羸人步涉高山復作是念今者承嗣毗輔國正於諸人民雖多利益然我所修純善之法則爲虧損君治國土稱萬民心當有無量諸過患事所謂刑罰劫奪他財威凌天下或擯或驅要當隨王行如是法若行正法我善則

損今我若欲修行善法則不上稱大王聖懷若稱王法善法日衰作是念時王復白言大師今者何所思慮時毗羅摩卽答王言我今所念當以何術令王身及國人民悉得利益無諸衰耗亦復思惟王與國人福德過患若先行善後行於惡則不名人大王若爲實語而作怨憎不爲諂言而作親厚寧爲說正法墮於地獄不說邪諂生於天上大王我今思惟籌量是事大王若有人能思惟是義當知是人則能利益一切衆生王聞是語心生歡喜復作是言大師我等若能如是行法所修善法則爲不損時毗羅摩卽奉王

命慕承先父輔相之業然後漸漸勸化是王及八萬
四千小王修持正法亦令其國所有人民背捨遠惡
不貪五欲時王修行無量善法如毗羅摩等無差別
也時毗羅摩見王如是心生歡喜而作是言我今已
爲修治國土然我善法無所衰損復作是念我今當
以何等因緣勸諸衆生悉令安住阿耨多羅三藐三
菩提道然諸衆生受性不同或欲聞法或貪財貨或
嗜五欲或樂愛語或好憤鬧多人親附或好隨逐善
人之行或樂多受心無厭足我今幸有大智方便悉
能攝取一切衆生安止住於阿耨多羅三藐三菩提

我亦復有餘方便譬如日出雖能照了一切天下然
不能爲盲者作明我亦如是雖復能爲一切衆生說
無上道然不能爲無慧目者而作利益我今復當以
衣服飲食而給足之令其飽滿心歡喜已然後復當
爲之說法令其信受時毗羅摩思是義已卽至王所
作如是言我今已爲無量衆生作法事已聚集三法
所謂修行正法聚集錢財所願成就則令一切國土
安樂無有怨讎正法增長猶如初月好名流布八方
上下唯願大王聽我修行無上正法爾時大王聞是
語已心生驚喜衣毛爲豎白言大師諸欲所作願具

告勅毗羅摩言我今欲作一切大施施中所須願爲
 我辦爾時大王卽於城外安曠之處莊嚴施場唯願
 大王善言誘喻諸作使者無令於我而生瞋恨爾時
 大王及給使者皆悉歡喜敬意供辦飲食所須尋於
 諸方擊鼓宣令若諸衆生凡有所須衣服飲食臥具
 醫藥象馬車乘香華瓔珞末香塗香舍宅燈明悉來
 集此當相奉給復說偈言

我爲利益	諸世間故	隨諸衆生
所須之物	乃至身體	手足血肉
捨離之時	猶如草芥	汝等若受

是供養時	則當一心	思惟善法
受供養已	不應貪著	當以善法
利益一切	若以我力	能速涅槃
以爲衆生	流轉生死	是故久住
不取涅槃	無量衆生	墮老死獄
我欲拔之	永離遠離	

時毗羅摩菩薩摩訶薩所設供具令無量百千萬億
 衆生隨意所須悉得充足善言說法諸大德我今忘
 身以憂汝身汝等今已受我供養好自利益當觀正
 法若死至時雖有父母妻子親族無量財寶不能令

命住一念頃及其命盡獨至他世父母妻子親族財寶無隨去者唯有業行不相捨離復為大眾而說偈言

為父母親族 修行於惡法 命終墮三趣

無有隨逐者 於今現在世 若受苦惱時

雖有父母兄 不能受少分 況於未來世

而當有代者 是故當一心 莫為他行惡

諸大德汝等今身安隱無患所謂衰老肺病疾逆頭痛已無是病當勤修行一切善法是毗羅摩菩薩摩訶薩以二攝法攝取眾生所謂財法滿九十日過夏

已訖奉施觀願所謂金盤具足八萬盛以銀粟八萬銀盤盛以金粟八萬小牛八萬乳牛悉從一犢是一

一牛乳日一斛純以白氈纏覆其身金角銀蹄莊嚴

映飾八萬童女形體端正金寶瓔珞以自莊嚴一一

女人有一侍女供給使令皆皆淨潔是而女人各有

一牀或金或銀瑠璃玻璃象牙香水種種茵蓐以敷

其上牛車八萬象馬八萬及諸倉庫錢財珍寶不可

稱計如是等物悉莊嚴已而作是念今已施物將無

少耶爾時菩薩為諸婆羅門說如是言汝等當知我

今集聚如是種種金銀女人車乘象馬倉穀珍寶正

爲汝等幸可少時寂然無言聽我所願然後隨意共分而去爾時一切諸婆羅門寂然無聲是時菩薩爲諸衆生自諫其心汝心所作常求果報猶如獼猴入於稠林而說偈言

我今所布施 普爲諸衆生 如是之布施

實不望其報 願悉施衆生 等受於快樂

以汝貪善故 久在於天上 亦以貪惡故

久住於地獄 復以貪著故 作此大施主

或作貧窮人 或行於大施 或時以自在

守財而慳食 或以自在故 自墜於貧苦

或復以縱逸 久在於生死 輪轉無窮已

猶如輪轉地 我在久遠來 隨順敬事汝

雖作如是事 不能令汝喜 汝今當安住

不動寂靜中 我今所布施 悉爲諸衆生

爾時毗羅摩菩薩卽以右手執持澡罐以大慈悲熏修其心憐愍一切諸衆生故涕泣流淚而作是念我今所施不爲梵王摩醯首羅釋提桓因假使更有勝是三者亦不希求唯求佛道欲利衆生斷諸煩惱我今當捨己身妻子奴婢僕使珍寶舍宅唯求解脫不求生死我今所施柔軟女人願諸衆生於未來世悉

得斷除所有貪欲今我所施五種牛味願諸衆生於
未來世常能惠施他人法味今我所施如是敷具願
諸衆生於未來世悉得如來金剛座處我今所施種
種珍寶願諸衆生於未來世悉得如來七菩提寶作
是語已從上座所循行澡水而水不下猶如慳人不
肯布施爾時菩薩卽作是念今此澡水何緣不下復
作是念將非我願未來之世不得成耶誰之遮制令
水不下將非此中無有大德其餘不應受我供耶或
我所施不周普耶或是我僕使不歡喜耶將非此中
有殺生耶我今定知不因衆生我今所施亦是時施

亦不觀來是受非受而此罐水何緣不下爾時菩薩
見婆羅門爲此諸女生貪嫉心而起瞋恨各各說言
彼女端正我應取之汝不應取彼牛肥壯我應取之
汝不應取金銀槃粟乃至珍寶亦復如是爾時菩薩
見諸婆羅門貪心諍物互相瞋恚卽作是言是諸受
者貪欲瞋恚愚癡亂心不能堪受如是供養如車軸
折輻輞破壞不任運載我亦如是種子良善而田薄
惡以此受者心不善故今是澡水不肯流下我今雖
作如是布施亦無有人教我令發阿耨多羅三藐三
菩提心而我自爲一切衆生故發是心今當自試若

我審能愍衆生者罐水當下卽以左手執罐瀉之水
 卽流下菩薩右手諸婆羅門見是事已各生慚愧離
 所施物修行梵行諸婆羅門尋共稽首求請菩薩以
 爲和尚菩薩憐愍卽便受之教令修學四無量心以
 是因緣命終卽得生梵天上令無量衆生發阿耨多
 羅三藐三菩提心菩薩摩訶薩行檀波羅蜜時不見
 此是福田此非福田亦不分別多親少疑是故菩薩
 若布施時或多或少或好或惡應以一心清淨奉上
 莫於受者生下劣心

一切施品第二

一切諸菩薩 爲利衆生故 捨棄己身命

猶如草糞穢

如我曾聞過去有王名一切施是王初生卽向父母
 說如是言我於一切無量衆生尙能棄捨所重身命
 況復其餘外物珍寶是故父母敬而重之爲立名字
 字一切施從其初生身與行施漸漸增長譬如初月
 至十五日其後不久父王崩背卽承洪業霸治國土
 如法化民不枉萬姓擁護自身不豫他事終不侵陵
 他餘隣國隣國若故來討罰希能擒獲救攝貧民給
 施以財恭敬沙門婆羅門等常以淨手施衆生食口

常宣唱與是人衣與是人食及與財寶愛護是人瞻
 視是人爾時菩薩常行如是善布施時隣國人民聞
 王功德悉來歸化其土充滿間無空處猶如山頂暴
 漲之水流注溝坑谿澗深處亦如半月海水潮出其
 國外來歸化之民充滿側塞亦復如是其餘隣國漸
 失人民各生嗔恨即共集議當共往討作是議已尋
 嚴四兵來向其國爾時邊方守禦之人遠來白王隣
 國怨賊今已相逼猶如暴風黑雲惡雨王即告言卿
 等不應惱亂我心即說偈言

隣國所以 來討我國 正為人民

庫藏金寶 快哉甚善 當相施與

我當捨之 出家學道 多有國王

為五欲故 侵奪人民 貯聚無厭

當知是王 命終之後 即墮地獄

畜生餓鬼

是故我今不能為身侵害衆生奪他財物以自免者
 爾時大臣及諸人民各作是言唯願大王莫便捨去
 臣等自能當禦此敵王且觀之臣等今日當以五兵
 戟牟劔稍奮擊此賊足如暴風吹破雨雲王即答言
 咄哉卿等吾已久知卿等於吾生大愛護尊重恭敬

亦知卿等勇健難勝雄猛武畧策謀第一但彼敵王今作此舉都不爲卿正爲吾耳假使彼來不損卿等何得乃生如是惡心吾久知此五盛陰身爲衆箭的卿不知耶吾久爲卿說諸菩薩應於衆生生一子想汝今不應於他衆生生瞋害心畢定當知墮于地獄是故應當一心修善當說是時賊已來至高聲大叫王聞聲已卽問群臣此是何聲諸群臣察各懷悲感舉聲哀號咸作是言惡賊無辜多害人民譬如惡電傷害五穀亦如猛火焚燒乾草又如暴風吹拔大樹又如師子殺害諸禽獸怨賊殺害亦復如是爾時諸

臣不受王教卽各散出莊嚴四兵便逆共戰軍無主將尋卽退散兵衆喪命不可稱計時王登樓說如是言因惡欲故令人行惡如是諸欲猶如死屍行廁糞穢如何爲此而行惡耶愚人貪國興諍競心猶如衆鳥競諍段肉是諸衆生常有怨憎謂老病死云何不自觀察是怨反更於他而生諍競一切施王思是義時敵國怨王卽入宮中王於爾時便從水竇逃入深山至稠林中得免怨賊其地清淨林木種種華果無量不可稱計水清柔軟八味具足衆鳥鳧禽獸難計王見是已心生歡喜復作是言吾今真實得離家

過患無量衆生常爲老病死怖逼惱今得此處清淨
安樂快不可言此林乃是修悲菩薩之所住處亦是
破壞四魔之人堅固牢城我今已得清潔洗浴離衆
垢故我今與此衆鹿爲伴身心安隱極受上樂爾時
怨王得其國已卽便唱令求覓本王若有能得一切
施王若殺若縛將來至此吾當重賞隨其所須一切
給與以其先時常自稱讚能行正法皆毀吾等暴虐
行惡是故吾今欲得見之示其修善所得果報爾時
他方有婆羅門貧窮憔悴唯仰乞活遭遇官事無所
恃賴聞王名字好行惠施卽從其國來欲造詣乞求

所須既於中路飢渴疲乏止息林中卽便讚言是處
寂靜聖人住處亦是神仙離欲之人求解脫者斷絕
飲食不畜奴婢不乘車馬少欲知足食噉稗子諸根
藥草大悲心者之所住處亦是一切飛鳥走獸無怖
畏處自在天王爲令衆生見家過患故化是處爾時
一切施王聞是語已心生歡喜便往見之共相問訊
便命令坐時婆羅門卽便前坐坐已一切施王便以
所有衆味甘果而奉上之旣飽滿已王卽問言大婆
羅門是處可畏無有人民是中唯是閑靜修道之人
獨住之處仁何緣來婆羅門言汝不應問我是事汝

是福德清淨之人遠離家居牢獄繫縛何緣問我如是之事汝不應聞濁惡之聲若他犯我我則犯他若他奪我我則奪他喪失財賄親族凋零以在家故受如是事大德汝今已斷一切繫縛安住山林如大龍象自在無礙一切施菩薩卽作是言汝今發言清淨柔軟何故不共於此住止婆羅門言若欲聞者我當爲汝具陳說之我本生處去此懸遠薄祐所致遇王暴虐猶如師子在鹿群中終無一念慈善之心我王暴虐亦復如是於諸人民無有慈愍有罪無罪唯貨是從我從生來小心畏慎曾無毫釐犯王憲制橫收

我家繫之囹圄從我責索金錢五十若能辦者我當赦汝居家罪戾若不肯輸吾終不捨要當繫縛幽執鞭撻尅日下期當輸金錢家窮貧苦無由能辦曾聞此國一切施王好行惠施攝護貧人所行惠施無有斷絕如春夏樹華果相續亦如曠野清泠之水渴人過遇自恣飲之猶如大會無人遮止我今畧說假使有人人有千頭頭有千口口有千舌舌解千義欲歎是王所有功德不能得盡彼王成就如是名德我今居家遇王暴虐橫羅罪戾更無恃賴故欲造詣陳乞所須然我心中常作此念我今何時當到其所隨意

乞求若彼大王必見憐愍能給少多我家可得全其
生命若不得者我亦不久當復殞歿爾時菩薩聞是
事已心悶躡地猶如惡風崩倒大樹時婆羅門即以
冷水灑其王身還得蘇息時婆羅門復問大仙汝聞
我家受是苦惱心迷悶耶是中清淨汝所愛樂能生
悲心我今遇之尚無愁苦汝今何緣生是苦惱王卽
答言汝本發意欲造彼王是汝薄相正值不在汝今
若往必不得見故令我愁爾時婆羅門言爲何處去
施王答言有敵國王來奪其國位今者逃命在空山
林唯與禽獸而爲等侶時婆羅門聞是語已尋復悶

絕一切施王復以冷水灑之令悟卽慰喻言汝今可
坐且莫愁苦婆羅門言我於今日命必不全所以者
何本所願求今悉滅壞我何能起定當捨命一切施
王爾時卽起慈悲之心作如是念可愍道士所願不
果譬如餓鬼遠望清水到已不獲心悶躡地是婆羅
門亦復如是復更喚言咄婆羅門汝可起坐汝可起
坐一切施王卽我身是汝本欲見今得遇之何故愁
苦婆羅門問王今善言慰喻於我有錢財耶王卽答
言我無錢財但有方便可能令汝大得珍寶婆羅門
言云何方便王復答言我先聞彼怨家之王居我國

已於大眾中唱如是言若有能得一切施王若斷其命檢繫將來吾當重賞隨意所須我從管來未曾教人行於惡法是故不令汝斬我頭但以繩縛送詣彼王所以者何除身之外更無錢財然我此身今得自在幸可易財以相救濟善哉善哉婆羅門吾今得利以不堅身易得堅身道士且觀設使我身在此命終屍棄曠野草木無異雖有禽獸而來食噉爲何所利今以如此灰土之身貿易乃得真金寶物我復何情而當惜之時婆羅門聞是語已悲涕而言何有此理所以者何汝今乃是無上調御衆生父母善爲愛護

大歸依處能滅一切無量衆生所有怖畏所作廣大不望相報於諸衆生常生憐愍能於閻世作大庭燎我當云何破滅正法繫縛汝身送怨王耶假使將王至彼怨所獲得金寶我復何心舒手受之假使受者手當落地譬如男子爲長養身噉父母肉是人雖得存濟生命與死何異我亦如是設縛王身將送彼怨雖多得財以贖家居我所不貴時王答言如此之言復何足計汝若於我心生憐愍我自束縛隨汝後行詣彼怨家汝無罪咎我可得福婆羅門言敬如王命當隨意作說是語已王卽自縛共婆羅門相隨至城

其王舊臣及諸人民當見王時悉生驚怪咄婆羅門
汝是羅刹非婆羅門汝是羅刹非婆羅門汝本實是
暴惡鬼神奸僞詐現婆羅門像無有悲心真是死魔
常求殺人汝今令此王身滅沒猶如月蝕七日並照
大海乾竭無上法燈今日盡滅旃陀羅種汝今云何
手不落地汝身何故不陷入地如師子王已死之後
誰不能害是一切施王久已遠離國城妻子倉庫珍
寶一切諍競退入深山修寂滅行於汝何怨而將來
此舉城人民同聲願言諸大仙聖護世四王願加威
神擁護是王令全生命時婆羅門聞是語已心生怖

畏將一切施疾至王所作如是言大王當知我今已
得一切施王怨王見已心卽生念是王年壯身體姝
好容貌端正其力難制是婆羅門年在衰弊形容枯
悴顏貌醜惡其力無幾云何能得是王將來竊復生
念將非梵王自在天王那羅延天釋提桓因四天王
耶怨王卽問誰爲汝縛婆羅門言我自縛之怨王咄
言遠去癡人復更問言汝將非以咒術之力而繫縛
耶汝身羸劣彼身端嚴猶如帝釋云何能繫縛假使
有人自言能吹須彌山王令如碎末是可信不爾時
怨王卽告大臣汝等當知今此難事爲是夢中是幻

化耶將非我心悶絕失志錯謬見于是老獼猴云何
能縛帝釋身耶諸臣當知豈可以藕根中絲懸須彌
山耶可以兔身度大海耶可以蚊背盡海底耶時婆
羅門聞是語已卽向怨王而說偈言

大王今當知

我實不能縛

是王慈悲故

爲我而自來

如以網盛風

是事爲甚難

正使天帝釋

亦復不能爲

爾時怨王卽向一切施王說如是言汝以畏我故入
深山谿谷林木空曠之處唯與禽獸共相娛樂樂少欲
知足飲水食果以草爲敷不與我諍然我怨心猶未

得滅我今自在能相誅戮以何因緣來至此耶爾時
一切施王嬉怡微笑無有畏懼身心容豫如師子王
而作是言汝不知耶我身卽名一切施王我欲成就
本誓願故今來在此有三因緣一者爲婆羅門而求
錢財二者以汝先募若得我身將來此者當重賞之
三者我先誓願當一切施是故我來欲捨身命汝今
當觀若我此身命終入地爲何所益我本所以逃入
山林非以畏故但爲愛護諸衆生耳汝今自在怨心
未滅我今來此隨意屠割而得除怨心則安隱是故
汝今應早爲之卽說偈言

於怨生瞋恨	則自焦其心	譬如夾下火
猶能燒萬物	因心著瞋恚	命終墮地獄
猶如惡毒箭	中則身命滅	若瞋於怨憎
心不得寂靜	譬如病目者	不能見正色
此身血肉成	骨體肪膏腦	屎尿洩唾等
薄皮裹其上	是身如行廁	無主無有我
於王有何怨	而常生瞋恚	生老病死賊
常來侵王身	何故於是中	反生親友想
我身四大成	王身亦復然	今若見瞋者
是則為自瞋		

是故大王不應生瞋若故瞋者今得自在幸可隨意
 早見屠戮先所開幕可賞是人我今必定捨命不悔
 以是因緣願諸眾生能一切施及得捨各爾時怨王
 聞是語已從御座起合掌敬禮一切施王作如是言
 唯願大王還坐本座汝是法王正化之主我是羅刹
 暴惡之人汝是世燈為世父母我是世間弊惡大賊
 專行惡法劫奪他財汝是法稱正法明鏡我非法稱
 常欺誑他猶如盲人不自見過如我等輩罪過深重
 是身久應陷入此地所以遷延得至今日實賴仁者
 執持故耳今捨此地及以已身奉施仁者一切施王

即為怨王廣說法要令其安住於正法中大以財寶
與婆羅門遣還本土菩薩摩訶薩如是修行檀波羅
蜜時尚捨如是所重之身況復外物所有財寶
僧伽斯那所撰菩薩本緣經卷第一

音釋

陘俛夾切
隘也

抖擻抖音斗
擻音振

駛駛音叟
疾也

策策音切
即委

也也音銀

纂作管切
緝也

憤古對切
心亂也

覲初覲切
施也

澡澡音
澣也

早早音洗

稍稍音湖
牙屬

稗傍卦切
穉也

圜因音陵
圍也

各各音
獄名

肪音方
脂也

僧伽斯那所撰菩薩本緣經卷第二

吳月支優婆塞支謙譯

一切持王子品第三

菩薩摩訶薩 為諸衆生故 一切所重物

無不以惠施

如我笈曾聞過去有王其王有子名一切持年在幼
少形容端正猶如滿月衆星中明衆生視之無有狀
足威儀安詳如須彌山智慧甚深猶如大海忍辱成
就猶如大地心無變易如閻浮檀金常為一切人天
所愛猶如八味清淨之水於諸世間其心平等猶如

日月等照於物滿衆生願如如意寶見諸乞者心生
歡喜猶如慈母見所愛子是時王子當說偈言

我今得自在 所有無量財 悉與衆生共

如日皆等照 見有乞求者 終不言無有

無所求索者 亦復施與之

王子菩薩諸根寂靜猶如梵天財賄具足如毗沙門
王爲諸衆生供給走使猶如弟子事師和尙心常愛
念一切衆生猶如父母念所生子教化衆生法則禮
儀如大博士王子菩薩悉得成就如是功德心常樂
施一切衆生如是之物施與是人如是之物施與某

甲是人恐怖我當安慰修行正法無有廢捨所施之
物謂金銀琉璃玻璃真珠磲磔碼瑙珊瑚璧玉種種
器物及諸衣服牀卧敷具車乘舍宅田地穀米奴婢
僕使象馬牛羊隨有所須悉能與之譬如大雨百穀
滋長恒以五指施人財物猶如五龍降注大雨王子
菩薩常行布施日日不絕設使一日無人來乞顏色
顛顛心爲愁戚猶如初月煙霧所覆無有光明爾時
諸臣於此王子悉生嫌恨

咄哉我王

愚癡無智

有財不食

後世安在

見不能用

亦不訶子

分散庫藏

施無功者

庫藏盡已

民當迸散

民既散已

怨至誰護

假設無護

命當不全

命既不全

國復誰居

爾時大臣及諸人民各思是事爾時父王有一白象行蓮華上力能降伏敵國怨讎以有此象故令他國不能侵凌時有邊方怨敵之王常作是念我當云何而設方便得彼白象即遣諸人詐為苦行婆羅門像往詣王子求索白象爾時王子見諸大臣生瞋恚心故乘白象出城遊觀欲向一林即於其路見婆羅門

既見王子心大歡喜兜願且言願使王子紹繼大王無上之位壽命無量隣國歸德天下太平王子我等悉是婆羅門也居在遠方常承王子好喜布施故從遠來道路飢渴備受眾苦王子當知我等受持清淨禁戒多所讀誦無書不綜王子功德流布十方聞風稱讚無不愛樂能令眾生所願滿足有來乞者無一空還汝所乘象願見施與爾時王子即作是念今若不與則違本要設當與者非我所有復是父王所愛重者即便語言君等若須金銀琉璃種種車乘奴婢之屬我悉能與此白象者既非我有不得自在復是

父王所乘之象云何輒當以相惠施計是白象價直幾許我當與直不令汝等有貧乏也何必正欲得此白象汝婆羅門憐愍衆生出家受戒久已遠離一切之物何用是象汝若得者或更有患諸婆羅門復作是言我等不用錢財珍寶唯須是象乘之入山求覓好華供養諸天已當令衆生若生天上或入涅槃王子本願欲利益他我亦如是欲利益他爾時王子聞是語已卽生悲心便下白象復作是念此象雖是父王所有今以布施大臣人民必當見嫌欲利益他何得計是然我所施不求名聲生天人中以是因緣令

諸衆生斷諸煩惱作是願已便持白象施婆羅門自乘一馬還欲入城諸婆羅門旣得象已便共累騎迴還而去忽爾之間已到本國時諸大臣卽共集聚疾至王所白言大王今日快善所重白象王子已持施婆羅門諸婆羅門得已乘去今到敵國以王先時見其布施金銀珍寶不訶責故致令今日復以白象施與怨家大王世間惡子多謫過患飲酒搏蒲貪色費用臣等敢奏願不咎責王子若能從今已往更不以財惠施於人則可聽住若不止者便當擯之遠著深山爾時父王卽召其子作是念言怪哉我今云何一

且爲諸大臣不令我子隨意行施我今慚愧猶如婦人怖畏姑公卽向其子而說是言卿從今始莫復貪著一切功德可離捨心行正法者應著草衣服噉水果遠處深山卿今不應挑其右目以治左眼卿於今日如何一旦惱亂我心及諸大臣夫爲人法先安其親然後乃當及餘他人卿今云何以我白象施與怨家爾時王子合掌長跪敬禮父王臣所布施不爲貪欲瞋恚愚癡不爲名聲不求生天人中豪貴非是顛狂錯亂心作爲求正法作是施耳大王當知臣今雖復擁護父母兄弟妻子及其死時雖有親族誰能隨

去唯見正法逐之不捨臣若無心行善法者猶望大王苦言教勅如何一旦信用邪言斷臣行善王先勅臣放捨捨心捨心是臣本性根源云何可捨猶如地性不可捨堅乃至火性不可捨熱如魚投陸命何能存如王僮僕六情具足身體完具與天無異是人云何與王給使王家所有車乘姝女金銀珍寶從何處得當知皆是過去施業今得是報大王當知一切餓鬼飢火所逼身心焦惱如此皆是貪惜因緣若諸天中七寶宮殿壽命長遠當知皆是布施因緣大王臣今所施火不能燒水不能漂王家盜賊怨家債主不

能侵奪所施之物於諸趣中能作親厚是天乘載是所施物在生死中隨逐臣身如犢隨母如王所勅欲令臣止布施之心若不能捨當徒深山雖至深山苟施心不息貧窮之人亦復當來臣本誓願實樂山林所以未啟慮不賜放大王今已聽真得本願正爾奉辭涉路進發所以者何山林之中是閑靜處仙聖所樂能離貪欲瞋恚愚癡臣若至彼必能自利爾時王子卽禮王足右繞三匝奉辭而去次至母所跪禮如常右繞三匝禮足而出復至妻所而作是言卿好住此供養父母守護其子此卽是汝修行正法我今欲

去遠至山林何以故我先常願欲入深山修行其志父王今聽是故我當速往至彼以副我心與諸禽獸共爲等侶飲食水草足自存活汝是王女身體柔軟端正詳雅何能堪忍如是苦事故應住此不須隨我其妻聞已心悶懊惱身體掉動如芭蕉葉悲號啼泣椎骨拔髮舉聲大哭唱言柰何君有何罪乃令父王擯之深山大王寬慈王法治化愛民如子云何一旦驅擯乃爾君之愛形身色柔軟如瞻婆華云何一旦當臥棘刺土石之上如今在宮五樂自娛設當入山唯聞虎狼師子毒獸諸惡音聲怪哉大王慈愛之心

今日安在如何父親變成離薄以小因緣一旦成怨
爾時王子卽答妻言善哉王女汝有深智精進勇猛
是我善伴設我不是應當訶責云何乃出如是羸言
諸王爲國共相戰諍皆爲貪欲瞋癡所惱是我福緣
乃令父王聽我入山修行正法汝今不應生不歡喜
耶世中常法王若衰老則立太子令知國事國事殷
湊多諸過咎咎旣鍾身無逃避處王今未衰便能放
捨聽我入山修學其志世間過咎永不見及汝今何
故不歡喜耶汝便好住我今欲去妻便答言妾之父
母處與君時日月大地及四天王悉皆證知初婚之

日君自發言誓不相捨如何今日便欲獨往當如日
月及以猛火明與質俱不相捨離君今云何而欲見
捨爾時王子悉以家財布施貧乏卽以兩肩荷負二
子携將其妻往雪山中王子到已食果飲水以存性
命晝夜修習慈悲之心復作是念我本在家雖受五
欲未若今日處山歡娛如是之樂釋提桓因所受欲
樂所不及也是諸衆生不知正法微妙之味如鳥不
知蓮華之味是時王子常爲衆生思惟是義妻常入
山採於果蔬以自供給是時有一老婆羅門其形醜
惡人所惡見從遠方來王子見已卽命令坐行水施

果然後問訊汝何緣至此耶將非馱家之過患乎壯
應在家極情五欲今已衰老死時將至捨來修道甚
是快事是中閑靜無有家過汝若樂此我之所有甘
果冷水常相供給不令有乏婆羅門言無欲想者應
住於此我今欲想猶未能滅是故不能於此住也大
仙汝且觀之我身雖老頭白齒落行步顛掉目視矇
矇舌乾口燥不能語言頭重難勝猶如太山耳聽不
了身體衰變而有欲想猶如壯時大仙當知我年朽
邁身力羸損家貧空乏困於僕使若欲滿我本所願
者幸可惠施二奴僕使菩薩聞之卽作是言怪哉今

曰若言無有則非本誓若言有者今實空貧婆羅門
言君今遲疑何所思慮將慮我非婆羅門受持禁戒
博學人耶若有此慮我實是也菩薩答言我本在家
多有僕使金銀珍寶庫藏盈溢當于爾時見有乞者
終不言無今在此山悉不持來何處當得以相副稱
所以遲疑思是事耳婆羅門言我今衰老氣力空竭
故從遠來乞求所須汝從本來凡見乞者曾不發言
我無所有今日何故發如是言大仙若能憐愍給施
二奴我當還國若不能者我必此死爾時王子卽作
是念我今當作何等方便發遣此人爾時二子近在

不遠山中遨戲復作是念我今當爲一切衆生作不
空因緣卽喚其子子旣至已菩薩抱之復作是念我
今二子生長深宮身體柔軟未經寒苦如何一旦違
離父母爲他僮僕復作是念我今何緣計如是事若
不修行難行苦行何緣得成阿耨多羅三藐三菩提
以是因緣我當行之願以此行速得成就阿耨多羅
三藐三菩提我今捨此所愛二子不求生天人中果
報轉輪聖王帝釋梵四天王願此功德悉與衆生成
無上道爾時菩薩手執二子授婆羅門作如是言汝
婆羅門我此二子猶如我命幼稚無知未解人語雖

復似人未有所識今持相與以爲僕使恐母來至可
速將去爾時二子迴捉父衣而白父言父今何緣持
我兄弟與此惡婆羅門我等從今永離父母年旣幼
小未有所識無覆無護云何能活我等何故受此苦
惱今墮他手命必不全如犯王法則受刑罰我等愚
小未有所犯何緣今日乃見是苦假使實犯猶望恕
放況無所犯而橫見枉設父於我愛心已斷但爲人
法復不應爾老小可愍愚智有之父今何爲特見苦
毒假使爲法而見捨者喪失慈惻豈是法耶我雖幼
稚亦曾聞說婆羅門法若有擁護妻子因緣得生梵

天爾時菩薩聞是語已身心戰動即自訶責何緣乃
 爾汝不知耶從昔已來流轉生死一切衆生何者非
 怨何者非子汝今闇蔽盲無見耶何不繫念思惟分
 別汝今宜爲彼將二子便如是動耶若死至時當云
 何乎爾時菩薩訶責心已即得定住語婆羅門汝速
 將去是時二子即白父言且聽小住須我母至跪拜
 問訊辭去不晚菩薩答言汝等但去吾與汝母當隨
 汝後時婆羅門將其二子速疾發引是時二子隨路
 還顧迴視父面悲號啼哭菩薩爾時更復訶心汝今
 不應復更戰動當觀受形老死熾然子去未遠復立

誓願我今捨子實是難行願此因緣得成阿耨多羅
 三藐三菩提除諸衆生一切繫縛時婆羅門發脚未
 遠即作是言甚奇王子世間希有如言則行施我二
 子所修善法具足成就今此二子當於何賣唯有還
 至本祖王國時婆羅門即將二子往詣王宮是時祖
 王見其二孫悲喜交集問婆羅門汝於何處得此二
 兒婆羅門言且聽彼雪山中大王之子各一切持以
 此二子施我爲奴王聞是語扼腕而言怪哉我子愛
 法太過乃至不惜所愛兒息汝今還我當與汝直婆
 羅門言敬如王命即受珍寶還歸其家時善善妻在

空林中左目睜動心驚不樂所採雜華尋卽萎枯器
 中二果迸出墮地二乳驚動汁自流出有烏在前連
 聲鳴叫卽作是念今此瑞應必定不祥將非我夫命
 根斷耶或是虎狼師子惡獸食噉我子復非遨戲墮
 山死乎念是事已便還所止尋見菩薩近一石崖在
 草敷上傾身而坐卽作是念我夫在此定無他慮便
 前白言二子者爲安隱不菩薩答言二子安隱妻復
 言曰我今耳中實聞安隱但未見之猶懷憂戚菩薩
 答言汝但小坐自當見之妻便却坐復重告言汝不
 知我本誓願耶一切所有要當施人汝朝出後有婆
 羅門來從我乞尋以二子而布施之妻聞是語其心
 迷沒舉身自撲悶絕躡地爾時菩薩以水灑之水灑
 之後還得醒悟身體戰動坐說偈言

怪哉爲正法	而行於苦行	以子布施時
云何心不亂	君心非剛鐵	而未永離愛
云何能以子	而用施於人	我子旣稚小
端正無及者	面色如蓮華	日如優鉢羅
自食於水果	亦不相煩累	如何無人情
一旦以施他	此路多石沙	荆棘惡刺等
彼人無慈慧	當將至何處	君今不見耶

彼諸獐鹿等 猶來求推覓 況君為其父

不見此山中 一切諸樹木 以失我子故

悉皆而啼哭 一切諸樹木 悉無有心識

猶尚能如是 況復有心者

爾時其地有芭蕉樹舉身戰動妻尋語言汝夫亦以

子息施人無慈愍耶何故如是舉身戰動爾時其妻

念子悲號東西馳走不安其所菩薩復言甚善甚善

已得入山修行善法云何令心受如是苦空喪閑居

修善妙理怪哉王子雖有深智精勤勇猛而不能解

生死過患父母妻子兄弟怨憎誰能於中識其根源

見兒過去或為汝怨彼若遭苦汝則歡喜今為汝子

別便憂惱設使死亡強將去者復可於我起瞋恚耶

汝本不聞諸仙聖言

若少壯老 皆歸於死 猶如果熟

自然落地 汝本不觀 猶如夢中

邪見事耶 無常死王 將諸眾生

雖有父母 誰能救之 譬如師子

搏撮諸麋 彼雖有母 亦不能救

是老病死 常害眾生 猶如果樹

多人所擲 譬如坏器 值天降雨

佛那那所撰菩薩經卷第三
北聚

悉皆爛壞 無有遺餘 三界衆生

亦復如是 遇無常雨 無得免者

今營此業 明造彼事 樂者不觀

不覺死至

如是二子必定當捨我今爲法而以施人汝當歡喜
不應愁苦我雖捨子子必安樂是故不應生大苦惱
王子菩薩說是語已其妻寂默更無所陳爾時釋提
桓因卽作是念怪哉菩薩無所愛惜卽下化身爲婆
羅門至菩薩所而說偈言
大仙今當知 名聞徹梵天 能行於大施

愛樂於正法 今我所求索 盖亦不足言

唯願大正法 滿我之所願

菩薩答言我今身命悉爲一切無所愛情況餘外物
錢財珍寶假使有者實不愛也我本在家多有庫藏
象馬車乘奴婢僕使悉以給施諸婆羅門無所遺情
但今現在空無所有唯身與婦若必須者實復不愛
婆羅門言汝能爾者便可以妻而見惠施菩薩答言
嫉妬惜心久以遠離汝小聽我爲其說法菩薩報妻
是婆羅門從我乞汝汝意云何妻便答言隨意自在
我今屬君何得自從卽捉妻手授婆羅門時婆羅門

經
南

語菩薩言今此婦人顏貌端正身體殊妙色像第一
道路險難多有寇賊我今單獨去必不達且還相寄
莫復餘施菩薩復言我今賴君破壞牢獄斷絕繫縛
汝今復欲還我牢獄繫縛我耶婆羅門言若見憐愍
必令得者願還受之經須臾時菩薩憐愍故少時還
受竟復何苦婆羅門言我若失期不得還者慎莫更
以施與餘人已是我有不得任意說是語已即便還
去去此不遠復更化作餘婆羅門還菩薩所而作是
言汝能利益一切衆生譬如果樹常出甘果我於遠
方久承風味是故寒裳而來相造當滿所願菩薩答

言唯有一妻先已施人今唯有身猶得自在若須相
給婆羅門言不須汝身唯須二目能相給者深抱至
念爾時菩薩卽作是念是婆羅門從我乞目爲作何
等復作是念我何所計是身猶如塚間死屍以不堅
牢貿易堅牢應當歡喜何所思慮爾時菩薩捉佉陀
羅木而作誓言我今悉爲一切衆生棄捨二目無所
貪惜我先捨婦持用施人願此功德鍾及衆生永斷
貪欲施子因緣令離愛習令施二目悉令衆生得清
淨法眼菩薩摩訶薩作是願已便以木錐向目欲挑
時婆羅門尋前捉手且莫挑出目今屬我更莫餘施

菩薩答言我今一身云何一日連受二寄先婆羅門
已寄我婦汝今寄眼我當云何而得守護時婆羅門
卽復帝釋身語菩薩言婦目二物悉是我有今相付
囑莫復餘施爾時帝釋卽飛而去於虛空中雨四種
華空中聲出宣告諸天汝等當知此人增長菩提道
樹不久當得阿耨多羅三藐三菩提菩薩摩訶薩行
檀波羅蜜其事如是無所不捨一切衆生若聞是事
應於菩薩悉生歡喜

善吉王品第四

菩薩行施時 定心究竟作 乃至魔波旬

不能得斷絕

我昔曾聞過去有王名曰善吉爲欲成於菩提之道
常行利益修集正法於諸衆生無刀杖想面目端正
世中少雙言常含笑無有麤獷供養父母尊重師長
恭敬沙門出家道士自行十善亦勸人行常行布施
無有斷絕若有貧窮困悴之人身體羸瘦衣裳不障
菩薩見已卽生憐愍舉身戰動猶被毒箭心竊念言
是諸衆生慳惜因緣癡人不識雖受人形相具足
以無福故常從他乞皆由先世不肯布施以慳嫉如
而自覆蔽現世報熟而受是苦猶如田夫愚癡無智

遠至妻家道路飢渴既入其舍復值無人卽盜糗米
滿口而齟未咽之頃家人卽至是人慚愧復不得咽
惜不吐棄家人見已卽問之言君患何等乃如是乎
是人聞已默然無言爾時妻家眷屬大小卽將良醫
而爲診之見其口頰堅如木石更無餘計卽以刀割
是人二頰既破之後亦無膿汚但見生米滿其口中
是人以是覆藏盜事得是現報猶如女人覆藏懷妊
臨產之日受大苦惱發聲大喚乃令一切悉共知之
人亦如是覆藏諸罪報熟之時苦惱所逼現露於世
或坐慳惜嫉妬居心而受此苦我今杜塞一切諸路

不令慳妬而來入心我今當集一切所施安止衆生
於布施中時善吉王思是事已常行布施無有休息
當其施時心喜無量當是時也魔王波旬愁憂不樂
而作是言怪哉善吉云何一旦爲我怨對而欲空虛
我之境界我有大力能伏諸仙飲水食果行諸苦行
善能成辦諸咒術者我射華箭乃至一發令持戒者
悉皆破壞譬如風吹驅折大樹我今波旬雖射三發
恐不能令善吉菩薩身心傾動何以故外道諸仙無
有智慧慈悲之心不求利他正爲自樂是故被箭尋
卽退散善吉菩薩有大智慧慈悲心厚不求自樂常

爲一切我今雖射乃至三發猶恐不能令其退散何以故是人必定爲諸衆生求無上道不久當得阿耨多羅三藐三菩提故及其未成我於中間或可雷難令其破壞譬如有人始遇患苦或有醫師少給湯藥則可令差亦如小樹初生之時以爪能斷及其長大雖有百斧伐之猶難曼此菩薩未成無上正真之道當速壞之時善吉王多行布施疲極獨處靜坐而息爾時波旬在空中身出光明遏絕日月而說是語善吉大士善哉善哉汝今真能推求正法愛念衆生猶如慈母愛念其子善男子汝欲增長一切善法而

反熾然一切惡法猶如有人欲食甘露而食毒藥欲求安樂而反入賊欲安隱身反服非藥欲除斷渴愛反飲鹹水欲斷婬欲反樂衆女善男子汝不知耶有諸檀越以施因緣皆墮地獄是故我今憐愍汝故種種分別汝當受持從今以往當斷施想生慳惜心爾時波旬卽化作地獄滿中罪人以示善吉復作是言如是人等皆由先世好行布施貪求正法是故今日悉墮是中受大苦惱大王當知是中罪人雖以刀斧共相斫截支節段悉墮在地而命猶存不肯死也以熱銅鑠周巾纏身舉身烟出命亦不盡雖以千釘

釘挖其身猶張牛皮亦復不死東西馳走常遇熾火
令熱諸風逼切其身或有惡風吹散其體或被鎚打
令如塵末飢吞鐵丸渴飲洋銅或入刀林攀緣劔樹
或在火鑊隨湯上下糜爛猶如熟豆是諸衆生雖受
如是種種苦惱然其命根亦不肯盡大王當知我今
從王無所求欲亦復不須供養之具以王修行邪僻
之道是故我今爲說正道時善吉王見地獄中如是
衆生卽生悲心而作是念如是衆生流轉生死無有
出期已受無量種種苦惱今復於此地獄受苦可愍
可傷何時當得斷諸苦惱令無有餘如是衆生先行

惡法今受苦報自作自受實非我咎我今定知是諸
無量受苦衆生皆由先世身口意業多作不善故今
今日墮是罪中定不緣施而受此苦也時善吉王以
慈悲心向波旬而作是言善哉大士汝真慈悲有憐
愍心善說道非道相若使施者受如是苦諸受施者
復在何處波旬答言善哉菩薩汝有深智能問是義
諦聽諦聽當爲汝說時魔波旬以已神力卽時化諸
天色像以天瓔珞寶鬘華香莊嚴其身無量伎樂以
爲娛樂諸天婁女侍便左右種種諸樹常出甘果華
樹瓔珞衣服飲食等樹羅列在前無量衆鳥相和而

鳴其聲和雅甚可愛樂處處多有流泉浴池金色蓮華布於水上無老病死苦惡音聲身處七寶微妙宮殿魔化是已卽示菩薩善男子諸受施者悉皆如是受無量上樂是故汝今應捨施心從是以後可得受是微妙果報爾時善吉卽作是念如是之言顛倒虛妄無有義理所以者何我未曾見訶黎勒樹能生甘蔗廁糞之中而出淨蓮華純真妙金變爲銅鐵信心檀越受地獄苦如是之言多所虧損此言顛倒定是魔說卽作是言善哉善哉善能分別如是功德汝則已爲攝取於我復語魔言汝今當知如蠅蟲翅所有

風力不能吹動須彌山王以汝風力欲令我動亦復如是如先所說言諸施主以施因緣墮於地獄諸受施人生天上者正合我願願我從今獨爲施主常墮地獄令諸衆生悉爲受者生於天上一身受苦令多受樂豈非菩薩本誓願耶我今定知汝是波旬汝亦不能常與我戰我從昔來常集施心汝今云何卒令我捨菩薩摩訶薩修行如是檀波羅蜜乃至天魔不能留難

僧伽斯那所撰菩薩本緣經卷第二

音釋

至

新刊佛地那所撰菩薩本緣經卷第二

七

北聚

徧於諸方常能利益無量衆生擁護國土所有人民猶如慈母愛其赤子又於後時竊生此念我當云何令諸衆生心歡喜耶卽命大臣而作是言卿等今可莊嚴此城懸諸華蓋豎寶幢旛掃灑燒香以華散地無令人民而有憂苦悉以寶瓔珞瓔珞其身衣服被飾極令鮮明諸臣跪諾敬奉王命卽出宣告舉城人民卿等各各莊嚴城郭所有里巷極使清淨令如三十三天宮殿時月光王乘一大象出於宮殿卽命一臣卿持我聲告諸人民我今莊嚴如此城郭非爲貪欲貢高憍慢畏怖他怨以禦寇敵亦不求作轉輪聖

王我今所以莊嚴此城唯欲令諸一切衆生受無量樂不墮地獄畜生餓鬼卿等今日宜應於我起父母兄想善知識想若入我宮當如已舍所須之物隨意自取我今大施莫自疑難取物之後當行善法供身之餘復當轉施諸人若須我身命亦不愛也唯願一切皆受安樂時月光王說是言已宮中所有微妙寶物使人負出隨意布施視諸人民猶如父母兄弟赤子顏色和悅猶如秋月一切人民瞻戴是王如父如母如兄如弟善心視王目如初蓮當于爾時國中人民無有持刀杖者悉皆隨王奉行十善猶如牛王諸

牛隨從亦如衆星隨逐於月譬如衆商隨商主後亦如衆兵隨逐主將譬如蒲萄其子甘故生果亦甘如梅檀樹根華俱香是月光王令諸人民等行十善亦復如是當是時也其國乃至無有一人瞋嫉憍慢貢高剛強盜人財物奸犯他妻兩舌惡口貪恚邪見是月光王雖非聖帝而其人民悉行十善是時人民雖無草衣果茹之食而其體貌與仙無異皆貪深山空閑之處以愛王故不能捨離時王如是行善法已有諸沙門婆羅門等稱傳其德徧滿諸方爾時有一老婆羅門捨家愛欲居在雪山長髮鬚爪爲梵行相結

草障身水果禦飢聞有人言月光王者好施無慳聞是語已因往本習卽生惡念猶如猛火投之膏油膏油旣至倍復熾然亦如毒藥投生血中其力則盛譬如渴人飲於鹹水如秋增熱春多洩唾是婆羅門住深山中聞王功德增益瞋恚亦復如是猶師子瞋聞獐鹿聲是婆羅門增長瞋恚亦復如是復作是念一切世間皆悉愚癡無有智慧而爲是王之所誑惑我今當往求索一物審如是王能捨離不復作是念但不有人從乞身命若有索者必當退轉作是念已卽出深山棄捨淨法瞋恚增長口如赤銅銜脣切齒暉

曠角張譬如惡龍放電殺穀如金剛杵摧破大山婢
阿脩羅王遮捉日月猶如暴雨漂沒村落猛盛大火
焚燒乾草是婆羅門亦復如是持是惡心往迦尸城
月光王所示現如是本習惡相身體戰動口言寒吃
行不直路手拳繚戾眉髮迅麗頭鬚刺豎覆手五指
如五龍頭心中毒盛猶如惡蛇瞋氣拂鬱煙燄俱起
詐言大王我在雪山遙聞王名歡喜踊躍無量我觀
諸王無如汝比而此土地功德難量復得值遇如是
法王大王今日爲利益他應當自捨所有身命修正
法者臥寤常安我今欲請大王一事王卽答言大婆

羅門不須多語請列所作隨其所須悉當奉施若象
馬車牛金銀瑠璃衣服珍寶奴婢使人悉當給與婆
羅門汝今當知是諸衆生三毒所惱流轉生死無有
脫期老病死法常害衆生唯我一人能獨出離但爲
衆生故久住世耳隨汝所愛悉當與之婆羅門言王
若能爾先當定心莫令傾動王卽答言我從昔來常
立誓願心難得動我爲衆生發菩提心尚捨身命況
餘外物汝今當知家有錢財不能施者當知是人則
爲守奴猶如毒樹雖生華實無人受用并深繩短水
無由得有財不施亦復如是若見乞者面目顰感當

知是人開餓鬼門婆羅門言善哉大王構之虛言復何所益若能爾者以頭見施時諸大臣聞是語已語婆羅門言怪哉大賊從何處來以此人口宣無義言卽以土石競共打塗復共唱言如此人者非婆羅門何處當有衣草鹿皮長髮節食宜說如是棘刺之言身體被服猶如仙聖口所發言劇旃陀羅身行口言不相副稱當知必定非婆羅門乃是羅刹弊惡鬼神咄哉惡人汝今來此欲乾我等正法河耶如金翅鳥欲食法龍斷法雨乎汝如惡風吹滅法炬是大惡象欲拔法樹成死惡人無有道理口發言時舌何不縮

如何大地能載汝形日光赫燄不焦汝身云何彼河不漂汝去時婆羅門語諸大臣汝等癡人何故見訶譬如惡狗吠彼乞者汝今疑我非婆羅門從遠求耶非是博學出家人乎汝等愚惡亦不能知諸婆羅門所有威力汝不知耶日月虧盈大海鹹苦閻窻神仙吞飲恒河十二年中斷絕不流自在天王面上三目瞿曇仙人於釋身上化子女根婆私吒仙變帝釋身為羯羊形毗仇大仙食須彌山如食乳糜如此之事盡是我等婆羅門力我今來此亦不爲卿空言綺飾誰當不能君王自言能一切施我今從乞有何可責時

月光王卽語諸臣卿等今者不應見遮我今當令此
婆羅門所願滿足汝當觀察我今治國無有貪婬瞋
恚愚癡所得果報今已成就捨身時到如蛇脫皮汝
等當知我今以此不堅之身易彼堅身不堅之財買
易堅財不堅之命貿易堅命如我先時常爲汝說大
人之法今正是時亦常勸汝向於正法閉塞諸惡開
諸善門於菩提中種諸善根薄諸煩惱漸解家繫如
我所得如是功德汝亦當得是故我今放捨身命汝
當歡喜不應憂苦若我貪身不能爲者猶當苦言慰
喻令作況我今日能自開割而汝反更遮固不聽譬

如有人以草易毳服毒愈病我亦如是捨不堅牢身
得堅牢身時諸大臣復作是言王今不應計如是事
得堅牢身時諸大臣復作是言王今不應計是事也
所以者何大王乃是臣等所依王今此身一切共有
共有之法何得獨爲一婆羅門而欲放捨捨此身已
財施之事云何能辦若不能辦受苦者衆王身雖一
天下共之云何今日獨欲自在譬如多人共一妙寶
有人獨用豈得自在王身今者亦復如是爾時大王
和顏悅色向諸大臣復作是言汝等先當起慈愍心
觀婆羅門然後我當捨頭施之爾時大王告婆羅門

汝小遠去聽我慰喻諸臣民已當相發遣時婆羅門
卽便小却爾時大王告諸臣言汝不知我本日所願
常欲利益諸衆生耶我已爲汝所作成辦復當滿此
婆羅門願此婆羅門曾於往昔與我有怨餘報未畢
常以繫心更無餘緣可以償之要當捨頭而令永畢
自我受身常行正法今爲此人亦行正法卿等速去
喚婆羅門令還本處作如是言汝無巧智不知時宜
於大衆中求索我頭何故不於僻靜之處而求索耶
我今爲汝諫喻諸臣令汝安隱得全性命設不諫者
汝之身命何得全濟汝小遠去至彼靜處須我發遣

諸大臣已我當就汝斷頭相施時婆羅門聞王語已
卽便速去爾時大王遣諸臣已卽便至彼婆羅門所
言汝今若爲我怨所遣索我頭者我亦於汝無讎嫌
心若自來索有何因緣汝婆羅門應起慈心設起慈
心卽當生天怨心如火汝當速滅瞋恚在心不見法
義修忍之人除去瞋恚瞋恚汗心形不端正猶如雲
霧障蔽淨月出家之人所不應生生瞋恚者不得端
正猶如飲酒噫氣臭穢婆羅門言汝今所說唯爲妙
善而我羸獷何能信受但施我頭無更餘言我今聞
汝所說雖善聞已倍更增益瞋恚猶如膏油投之猛

火時王答言我從生來未曾勸人而為惡事今此身者隨汝自斫是身可惡猶如糞坑實不愛之但憐愍汝墮地獄耳婆羅門言言地獄者為在何處爾時大王即起悲心而作是言怪哉眾生咄哉世間乃無一人修行善法為已利者我雖種種勸諫是人而其本心猶樂行惡譬如蒼蠅在蜜器中有人拔出心猶樂著以樂著故乃至喪命是婆羅門亦復如是時婆羅門持一利刀以鹿皮覆即便出之捉王頭髮繫之樹上以瞋恚心欲斬王頭刀誤不及斫斷樹枝時婆羅門謂已斫竟即生歡喜以是菩薩及諸天神威德力

故乃至不見其王身首爾時樹神語婆羅門言何處當有婆羅門人受畜利刀殺害人命汝手云何不墮於地地何不裂陷汝身耶云何於此清淨人邊生是惡心汝身所以不陷地者賴是菩薩擁護汝故時婆羅門謂得真實斷菩薩頭怨心得解即便還去王亦還官身安無損菩薩摩訶薩行檀波羅蜜時能作如是無所不捨

兔品第六

菩薩摩訶薩 若墮於畜生 所行諸善法 外道不能及

如我曾聞菩薩往管曾爲兔身以其先世餘業因緣雖受兔身善於人語言常至誠無有虛誑智慧成就遠離瞋恚於人天中最爲第一慈悲熏心調和軟善悉能消滅諸魔因緣言行相副真實無諂殺害之心永無復有安住不動如須彌山與無量兔而爲上首常爲諸兔而說是言汝等不知墮惡道耶是身可患夫惡道者地獄畜生餓鬼阿脩羅如是等各畜生餓鬼阿脩羅如是等名爲惡道汝等今當至心諦聽墮惡道因緣所謂十惡我於往昔曾聞諸仙分別開示心亦思惟今當爲汝畧解說之四法根本多諸過患

所謂貪欲瞋恚愚癡憍慢因貪欲心行十惡者墮於餓鬼因瞋恚心行十惡者墮於畜生因愚癡心行十惡者墮於地獄因憍慢心行十惡者墮阿脩羅因此四法所往之處常受苦惱汝等當觀地獄中有猛火熾然利刀剝常爲狗犬之所噉食鐵喙諸鳥挑啄其目灰河壞身猶如微塵復爲諸椎之所打碎利斧刀劔截其手足寒冷惡風吹劈其身二山相拍身處其中汝等當知設我盡壽至百千世解說如是地獄衆生不能得盡如是地獄有種種苦汝今復當聽餓鬼中種種諸苦所謂飢渴所逼身體乾枯於無量歲

初不曾聞漿水之名乃至穢糞求不能得頭髮長利纏繞其身故令身中支節火然遙望見水至則火坑飢渴所逼往趣糞穢復有惡鬼神持刀杖固遮今說此事倍令我心驚畏怖懼阿脩羅者雖受五欲與天無別憍慢自我無謙下心遠善知識不識不信三寶亦復不爲善友所護於世間中起顛倒想雖見諸佛心無敬信於上諸天常生惡心繫念伺求諸天過失汝等當知憍慢之結多諸過咎無所利益所以衆生不成道果無不由此憍慢熾盛自是非彼譏刺訶責世間衆生以憍慢故增長邪見邪見因緣誹謗三寶

謗三寶故受阿脩羅阿脩羅中所受衆苦若爲故欲盡說不可得盡以愚癡因緣墮畜生中多受衆苦受種種形食種種食種種語言行住不同無足二足四足多足水陸空行牛羊駝驢猪豚雞狗飛鳥走獸如是等輩常爲愚癡之所覆蔽常處盲冥無有智慧各各相於起殺害想互相怖畏猶如怨賊常爲獵師屠膾所殺復爲師子虎狼豺犬無量惡獸之所攫食常墮坑塹罾索羅網生則負重死則剝剝駕犁挽車鐵鉤鉤斲鞴絆拘執常苦飢渴口乾舌燥雖有所須口不得宜稚小孤迸遠離父母水草無量常不充足畜

生惡報世間現見是故我今畧爲汝等而解說之如我先業惡因緣故受是兔身唯食水草恒多怖畏是故汝等應修善法善法因緣生人天中雖人道中有諸苦惱劇於諸天猶當發願願生人中譬如官法爲犯罪者造作土窖凡有三重重罪之人置在最下中罪之人置之中間罪極輕者置于上重行惡業者亦復如是極重惡者墮于地獄中品惡者受畜生身最下品者生餓鬼中遠離如是三品惡已得生人中生人中已行善不善行上善者入於涅槃如已舍宅是時兔王常爲諸兔宣說如是善妙之言爾時有一婆

羅門種獸世出家修學仙法不惱衆生離欲去愛和顏而言身無麤糞飲水食果及諸根藥少欲知足修寂靜行長養髮爪爲梵行相是時仙人忽於一時遙聞兔王爲兔說法聞以心悔而作是言我今雖得生於人中愚癡無智不如是兔王生畜生中曉了善法譬如日光障蔽月光我亦如是雖生人中爲彼畜生之所障蔽彼雖畜身或是正法之將或是梵王大自在天我今聞彼所說之法心調柔和譬如人熱入清冷水怪哉師子多行惡業受是獸身云何復當殺如是兔如是兔者乃是純善形雖如是乃能修行仙聖

之法雖生畜生而能宣說善惡之相我從本來無可
諮稟尊敬之處今得遇之甚善無量是時仙人卽起
合掌往至兔所至兔所已却坐一面合掌向兔而作
是言汝是正法之身將不受兔身所有必定純善之
法唯願爲我具足說之我所修學長養鬚髮草衣食
果今實厭之譬如鑽水求酥是實難得我亦如是終
身長髮草衣食果雖修苦行正法難得我今雖得生
於人中受人形體遠善知識修行惡法如七葉華正
可遠瞻不中親近我亦如是修行惡法有智之人視
之遠去終不親近汝真梵王假受兔身兔時答言大

婆羅門若我所言悅可汝心甚不愛也所以者何我
久已離慳慳之結往昔發心便當涅槃但爲衆生故
久住生死時婆羅門聞是語已心生歡喜汝是大士
能爲衆生久處是中卽便隨逐經歷多年飲水噉果
與兔無別是時世人多行惡法以是因緣令天炎旱
草木華果枯乾不出海池井泉諸水焦涸其地所有
林木蓬茹藁草地土人民收拾去盡時婆羅門飢窮
困苦和顏向兔而作是言我今欲去願不見責兔聞
是已卽生念言今此大仙不樂此處故欲相捨卽前
問言此處何過有何相犯大仙當觀身服如是芻草

之衣令心愁惱非所宜也如婆羅門入姪女舍甚非
 家法也婆羅門言汝之所說實入我心是處清淨實
 無過患諸兔自修亦不相犯但我薄祐困乏飲食是
 故俛仰欲相捨去汝今當觀一切衆生無不因食以活
 此身汝之所說善妙法要今雖遠離要當終身佩之
 心腑不令忘失汝復當知我心無慈爲穢食故而相
 捨離時兔答言汝所爲者蓋是小事云何乃欲相捨
 離去婆羅門言我空飲水已經多日恐命不全是故
 置宜欲相捨離兔聞是已念言善哉是婆羅門乃能
 爲法飲水多日即便說言汝若去者我則更無如是

福田唯願仁者明受我請雖知菩薩於福田中心無
 分別然施極苦飢渴衆生其福最大雖知二目是常
 所護然當先救苦痛之處汝今是親善知識是我所
 尊有大功德是故我今欲施微供汝今當知人有四
 種施亦有四所謂下者下中下者智者智中智者云
 何下者施時發心求於諸有下中下者畏怖故行於
 布施智者有恭敬心而行布施智中智者有大悲心
 而行布施我今於是四施之中趣行一施唯願明且
 必受我請時婆羅門卽作是念此兔今日爲何所見
 見死鹿耶或死兔乎心卽歡喜然火誦咒是兔其夜

多集乾薪告諸鬼言汝等當知是婆羅門今欲捨我
遠去他家我甚愁惱身體戰慄世法如是無常別
離虛誑不實猶如幻化會有離猶如秋雨有爲之
法如是等無量過患諸行如夢熱時之燄衆生命盡
無可還者汝等今者知世法如是而不能離是故汝
等要當精勤壞三有乎爾時鬼王竟夜不眠爲諸鬼
衆說法如是夜旣終已清旦地了於薪聚邊卽便吹
火火然之後語婆羅門言我昨請汝欲設微供今已
具辦願必食之何以故智人集財欲以布施受者憐
愍要必受用若有凡人多畜財寶以施於人此不爲

難我今貧窮施乃爲難唯願哀矜必定受之我今深
心清淨啟請唯願仁者必受不疑說是語已復自慰
喻我今爲他受安樂故自捨已身無所貪惜大如毫
釐如是福報願諸衆生證無上智自慰喻已投身火
坑時婆羅門見是事已心驚毛豎卽於火上而挽出
之無常之命卽便斷滅諦觀心悶抱置膝上對之嗚
唼並作是言愛法之士慈愍大仙調御船師爲利衆
生捨身壽命今何所至我今敬禮爲歸依主我處此
山長髮重擔雖經多年無所利益我願從今常相頂
戴願汝功德具足成就令我來世常爲弟子說是語

已還持兔身置之於地頭面作禮復還抱捉猶如赤子卽共死兔俱投火坑爾時釋天知是事已大設供養收骨起塔菩薩摩訶薩修行如是尸波羅蜜不誑於世

僧伽斯那所撰菩薩本緣經卷第三

音釋

呼郭切 曜 明也
輦昆賓切 睿 切 吃 九輦切 居乙 佛符佛切 輦 鬱滯也 輦 此芮切 輦 甚也 輦 細毛也 輦 與坎同
匹美切 嘯 卽委切 嘯 普擊切 攫 居縛切 埒 苦感切
切也 斲 音卓 鞞 居宜切 鞞 古孝切 咬 子合切
斲所也 鞞 與鞞同 鞞 土藏也 鞞 鬻也

僧伽斯那所撰菩薩本緣經卷第四

吳月支優婆塞支謙譯

鹿品第七

菩薩摩訶薩 行六波羅蜜 乃至上怨中

終不生惡心

我咎曾聞菩薩往世墮畜生中而爲鹿身兩脅金色脊似瑠璃餘身雜廁種別難名蹄如碑磔角如金精其身莊嚴如七寶藏常行利益一切衆生所有善法具足成就身色光燄如日初出諸天敬重爲立名字號金色鹿爲無量鹿而作將導而是鹿王多行慈悲

精進智慧具足無減有大勇猛善知人語爲調衆生
示受鹿身爾時鹿王遊於雪山其中多有叢林華果
流泉浴池若諸禽獸共相憎惡生賊害心以是菩薩
威德力故悉滅無餘在空寂處常教諸鹿遠離諸惡
修行善法告諸鹿言汝等當聽諸行之中當觀小惡
猶如毒食如是小惡不當受之當觀小善爲親友想
常應親近精勤受持汝等諸鹿以身口意行諸惡故
墮畜生中不能修行所有善法愚癡覆故受是畜身
經無量世難得解脫生死之中欲受樂者要因正法
而爲根本夫正法者能護衆生不墮惡趣爲度煩惱

苦海之人而作橋梁如人處險要因机杖亦如執炬
親見諸器行正法者亦復如是夫正法者最可親近
不可破壞能示衆生無上大道是能爲受樂者聞是
法能令喜心不斷行是法者心無所畏是法能除一
切諸惡譬如良藥療治衆病以是因緣常應憶念不
令忘失若忘失者此生空過一切世間皆悉虛誑唯
言布施忍辱慚愧智慧之法乃是真實若能修行如
是等法是則名爲具足正法爲諸鳥獸常說是法令
諸聽者心離婬欲當是時也猶如賢聖遠離諸惡不
加侵害復於後時與諸群鹿遊止一河其水廣大深

無涯底暴漲急疾多所漂沒壞諸山岍吹拔大樹一切鳥獸無敢近者時有一人爲水所漂恐怖惶遽莫知所至身力轉微餘命無幾舉聲大喚天神地祇誰有慈悲能見救濟苦哉我今日與室家別今日因願誰可歸依我昔曾聞世有一鹿修學仙法有大慈悲唯是當能深見濟拔是時鹿王在衆鹿前聞如是聲卽便驚視誰受苦厄發如是言我聞是已其心苦惱如彼受苦等無差別尋告諸鹿汝當隨意各自散去吾欲觀覓平整之處自恣飲水以充渴乏諸鹿聞已尋卽四散鹿王卽便尋聲求之見有一人爲水所漂

復爲木石之所振觸多受苦惱鹿王見已卽作是念水急駛疾假使大魚亦不能度我今身小力亦微末竟知當能度是人不寧令我身與彼俱死實不忍見彼獨受苦復作是念若使是人在於陸地爲象所困可得爲作方便救護今在此水漂疾急速我當云何而得救拔我設入水不能濟者一切聞知當見嗤笑自知不能何故入水我今雖有慈悲之心身力微末恐不能辦我今要當倍加精進以不休息而往救之卽作是言汝今不應生怖畏心我今入水猶如草木假使身滅要當相救是時鹿王躡身投河至彼人所

卽命溺人令坐其背溺人卽坐安隱無慮猶如有人安坐榻席其河多有木石之屬互相振觸身痛無賴是時鹿王擔負溺人至死不放劣乃得出至于彼岬溺人爾時旣得救拔安隱出已卽語鹿王我之父母所長養身爲已滅沒今之身命實是汝有汝雖鹿王身命相屬所可勅使唯垂告語爾時鹿王告其人言汝今且聽我於汝所不求功果亦無有心生貢高想我今不惜如是身命但欲爲他而作利益汝今當知我受獸身常處於林野自在隨意求覓水草雖不侵犯居民邑落然是我罪多諸怨憎兼復怖畏師子虎

狼諸惡走獸射獵之徒無所歸依無守護者我雖鹿身雜色微妙一切世間悉無見者以相救濟唯汝見之昔我立誓若見苦厄要令度脫人雖有力見苦不救當知是人爲無果報如不種子不收果實若念我者當善攝口知思念恩賢聖所讚不知恩者現世惡名流布於外復爲智者之所訶責將來之世多受惡報知恩之人二世安隱悲施因緣而得自在不修多聞具大智慧雖無水浴清淨無垢離諸香熏得無上香離諸瓔珞得真莊嚴遠離所依而得自護雖無刀仗人無侵者汝當知之知恩之人所得功德說不可

盡不知恩者所得過患亦復無量是故汝今應善護口爾時溺人聞是語已悲喜交集涕淚橫流卽禮鹿足而作是言汝常說法示諸衆生涅槃正道汝如良醫除斷衆生心熱病苦汝是世間第一慈父是尊是導實貪隨侍朝夕稟受我若遠離經一念頃必當爲惡無所堪任我今設去雖有形體當相遠離而心未敢生捨離想也說是語已尋便卽路鹿王望之遠不見已卽還本處衆鹿之中是時溺人旣還家已忘恩背義破滅法炬自焦其心斫伐法樹乃植毒林心爲惡器盛衆怨結爲現世利卽至王所而白王言大王

當知臣近入山見有一鹿身色微妙如七寶貫在衆鹿中而爲上首猶如滿月處衆星中其皮雜色任覆御乘臣知此鹿遊住之處時王聞已心驚喜曰卿示吾處吾自往取溺人答王敬奉所勅王卽嚴駕令在前導千乘萬騎隨後而往是時鹿王在衆鹿中疲極而眠爾時虛空多有衆鳥見王軍衆各相謂言是王必爲金色鹿來時有一鳥卽至鹿所啄鹿王耳鹿王驚悟心卽念言此鳥何緣來見覺之從昔已來衆鳥等類顧復圍繞無敢近者今日何故觸犯我身鹿卽起立遙望王軍四方雲集已來近至復作是念如是

衆鳥實無過咎譬如有人所尊陷墜以手牽拽豈是過耶爾時鹿王卽知是彼溺人白王說我身色及以住處復作是念是諸衆生無慈悲心世間所有師子虎狼常是我怨聞我說法怨心卽息是人無理得生人中忘恩背義反於我所而生毒害如妙香花置之死屍卽時可得人不喜見是人亦爾爲得現世少許樂分捨離將來無量樂報爾時鹿王卽向諸鹿而作是言汝等莫愁王今所以來至此者正爲我身不爲汝也我今雖能逃避遠去亦能壞碎彼之軍衆要當畢命自往王所若我如是汝等便當東西波迸乃至喪命是故我今爲汝等故當往王所但隨我後莫生恐怖當令汝等安隱無患汝等當知我若發心欲入涅槃卽能得之所以不取正爲汝等我至王所設使喪命但令汝等安隱全濟吾無所恨作是語已卽至王所溺人見已尋示王言所言鹿王此卽是也作是言已兩手落地時王見已卽便下馬心驚毛豎而作是言汝手云何斷落如是卽捨刀仗獨往鹿所鹿見王時心中愁惱王作是念彼雖獸身非實鹿也卽是正法勇出之王爾時鹿王卽白王言大王何緣放捨刀仗身體流汗狀似恐怖若使於我生恐怖者我是

修慈終不相害如月生火無有是處時王聞已心得安隱卽向鹿王而作是言是人何緣兩手落地然如向言能施我等無所怖畏云何是人直示汝身得如是報汝向自言能施衆生無所畏怖云何乃令是人如是若言不施一切世間卽當火然是時鹿王復白王言譬如有人犯官重事惱觸無諍清淨比丘如是之人得大重罪不知恩者亦復如是得大重罪王今當知是人自作自受其報非我因緣王卽問言唯願廣說我樂聞之鹿王答言願王問彼不須我說王卽問人卿今何故二手落地是時溺人卽爲其王廣說

本緣王旣聞已卽作是念作是事已云何當得不受報也若有困厄依恃他人乃至一念常應報恩況復多時受斯重恩而不能報反生賊害豈當不受如是報也如人熱時止息涼樹是人乃至不應侵損是樹一葉受恩不忘亦復如是爾時國王復向鹿王長跪叉手而作是言我從今日常相歸依鹿王答曰審能爾者敬受來意王復言曰汝今愛我願求何等鹿王答曰若能於我生尊想者今當諦聽我是獸身唯賴水草以自存活餘無所求大王當知是人昔爲水所漂困無救護者餘命無幾我於爾時猶能救之王今

若有慈悲之心當視是人如赤子想若視是人卽亦視我是人愚癡無知可愍命終之後必墮地獄經無量歲備受衆苦是故應當於是人所生慈愍心大王譬如有人多諸子息愛無偏黨然於病者心則偏重菩薩亦爾於惡衆生偏生悲愛以是衆生懷惡法故是故菩薩爲諸衆生發菩提心爾時大王復更歛容而作是言汝今真是調御大師護持正法救濟危厄歸依之處能除衆生一切怖畏是諸衆生多行惡法身應陷地所以不沒諒由大士護持故也從今已往施諸鹿群無所畏樂我今終身願爲弟子若汝來世

成無上道願先濟度於是國王說是語已卽告群臣舉國人民自今爲始不得遊獵殺害爲業菩薩摩訶薩行尸波羅蜜時雖受獸身於諸怨憎乃至不生一念惡心

龍品第八

菩薩摩訶薩 處瞋猶持戒 況生於人中
而當不堅持

如我曾聞菩薩往昔以恚因緣墮於龍中受三毒身所謂氣毒見毒觸毒其身雜色如七寶聚光明自照不假日月才貌長大氣如韞風其目照朗如雙日出

常爲無量諸龍所繞自化其身而爲人像與諸龍女
共相娛樂住毗陀山幽邃之處多諸林木華果茂盛
甚可愛樂有諸池水八味具足常在其中遊止受樂
經歷無量百千萬歲時金翅鳥爲飲食故乘空束身
飛來欲取當其來時諸山碎壞泉池枯涸爾時諸龍
及諸龍女見聞是事心大恐怖所服瓔珞華香服飾
尋悉解落裂在其地諸龍夫人恐怖墮淚而作是言
今此大怨已來逼身其鳴金剛多所破壞當如之何
龍便答曰卿依我後時諸婦女尋卽相與來依附龍
龍復念言今此婦女各生恐怖我若不能作擁護者

何用如是殊大之身我今此身爲諸龍王若不能護
何用生爲行正法者要捨身命以擁護他是金翅鳥
之王有大威德其力難堪除我一身餘無能御我今
要當捨其身命以救諸龍爾時龍王語金翅鳥汝金
翅鳥小復留神聽我所說汝於我所常生怨害然我
於汝都無惡心我以宿業受是大身稟得三毒顧有
是力未曾於他而生惡心我今自忖審其氣力足能
與汝共相抗禦亦能遠燄大火投乾草木五穀臨熟
遇天惡電或變大身遮蔽日月或變小身入藕絲孔
亦壞大地作於江海亦震山嶽能令動搖亦能避走

遠去令汝不見我今所以不委去者多有諸龍來依附我所以不與汝戰諍者由我於汝不生惡故金翅鳥言我與汝怨何故於我不生惡心龍王答言我雖獸身善解業報審知少惡報逐不遠猶如形影不相捨離我本與汝所以俱生如是惡家悉由先世集惡業故我今常於汝所生慈愍心汝應深思如來所說非以怨心能息怨憎唯以忍辱

然後乃滅

譬如大火投之乾薪其燄轉更倍常增多以瞋報瞋亦復如是時金翅鳥聞是語已怨心卽息復向龍王說如是言我今於汝常生怨心然汝於我乃生慈心龍王答言我先與汝俱受佛語我常憶持抱在心懷而汝忘失了不憶念金翅鳥言唯願仁者爲我和尚善爲我說無上之法我從今始惠施一切諸龍無畏說是語已卽捨龍宮還本住處爾時龍王遣金翅鳥還本處已慰喻諸龍及諸婦女汝見金翅生怖畏者不其餘衆生覩見汝時亦復如是生大怖畏如汝諸龍愛惜生命一切衆生亦復如是當觀自身以喻彼身是故應生大慈之心以我修習慈心因緣故令怨憎還其本處流轉生死所可恃怙無過慈心夫慈心

者除重煩惱之妙藥也慈是無量生死飢餓之妙食也我等往昔以失慈心故今來墮此畜生之中若以修慈為門戶者一切煩惱不能得入生天人中及正解脫慈為良藥更無過者諸龍婦女聞是語已遠離毒修習慈心爾時龍王自見同輩悉修慈心歡喜自慶善哉我今所作已辦我雖業因生畜生中而得修行大士之業爾時龍王復向諸龍而作是言已為汝等作善事竟為已示汝正真之道復為汝等然正法炬閉諸惡道開人天路汝已除棄無量惡毒以上甘露補置其處欲請一事汝等當知於十二月前十

五日闍浮提人以八戒水洗浴其身心作清淨為人天道而作資糧速離僞慢貢高貪欲瞋恚愚癡我亦如是欲效彼人受八戒齋法汝當知之若能受持如是八戒雖無妙服而能得洗浴雖無墻壁能遮怨賊雖無父母而有貴姓離諸瓔珞身自莊嚴雖無珍寶巨富無量雖無車馬亦名大乘不依橋津而度惡道受八戒者功德如是汝今當知我於處處常受持之諸龍各言云何名為八戒齋法龍王答言八戒齋者一者不殺二者不盜三者不姪四者不妄語五者不飲酒六者不坐卧高廣牀上七者不著香華瓔珞以

香塗身八者不作倡妓樂不往觀聽如是八事莊嚴
不過中食是則名爲八戒齋法諸龍問言我等若當
離王少時命不得存今欲增長無上正法熾然法燈
請奉所勅佛法之益無處不可何故不於此中受持
亦曾聞有在家之人得修善法若在家中行善法者
亦得增長何必要當求於靜處龍王答言欲處諸欲
心無暫停見諸妙色則發過去愛欲之心譬如濕地
雨易成泥見諸妙色發過去欲心亦復如是若住深
山則不見色若不見色則欲心不發諸龍問言若處
深山則得增長是正法者當隨意行爾時龍王卽將

諸龍至寂靜處遠離姪欲瞋恚之心於諸衆生修天
慈心具足忍辱以自莊嚴開善提道自受八戒清淨
持齋經歷多日斷食身羸甚大飢渴疲極眠睡龍王
修行如是以戒具足忍辱於諸衆生心無害想時有
惡人至龍住處龍眠睡中聞有行聲卽便驚覺時諸
惡人見已心驚喜相謂曰是何寶聚從地湧出龍見
諸人心卽生念我爲修德來至此間而此山間復有
惡逆破修德者若令彼人見我眞形則當怖死怖死
之後我則毀壞修行正法我於往昔以瞋因緣受是
龍身三毒具足氣見觸毒如是諸人今來至此必貪

我身斷絕壽命時諸惡人復相謂曰我等入山經歷
多年求覓財利未曾得見如是龍身文彩嚴莊悅可
人目剝取其皮以獻我王者可得重賞時諸惡人尋
以利刀剝取其皮龍王爾時心常利樂一切世間卽
於是人生慈愍想以行慈故三毒卽滅復自勸諭慰
沃其心汝今不應念惜此身汝雖復欲多年擁護而
對至時不可得免如是諸人今爲我身貪其賞貨當
墮地獄我寧自死終不令彼現身受苦諸人尋前執
刀剝龍龍復思惟若人無罪有人肢解默受不報不
生怨結當知是人爲大正士若於父母兄弟妻子生

默忍者此不足貴若於怨中生默受心此乃爲貴是
故我今爲衆生故應當默然而忍受之若我於彼生
忍受者乃爲真伴我之知識是故我今應於是人生
父母想我於往昔雖無量世故捨身命初未曾得爲
一衆生彼人若念剝此皮已當得無量珍寶重貨願
我來世常與是人無量財財爾時龍王旣被剝已遍
體血出苦痛難忍舉身戰動不能自持爾時多有無
量小蟲聞其血香悉來聚集啖食其肉龍王復念今
此小蟲食我身者願於來世當與法食菩薩摩訶薩
行尸波羅蜜時乃至剝皮食肉都不生怨況復餘處

也 僧伽斯那所撰菩薩本緣經卷第四

音釋

机舉履切 振直典切 嗤赤之切 啄音卓 拽羊列切

蒲拜切 韞囊也

受昔以爲真料其之味滿具姑其今熟其具入半
姑其今爲衆主姑孰當熈然而受之若其姑其
熈受昔此不且貴若其姑其今主熈受心此不爲貴具

那先比丘經卷上

失譯人名附東晉錄

佛在舍衛國祇樹給孤獨園時諸比丘僧比丘尼優
婆塞優婆夷諸天王大臣長者人民及事九十六種
道者凡萬餘人日於佛前聽經佛自念人衆日多身
不得安佛意欲捨人衆去到閑屏處坐思惟念道佛
卽捨人衆去入山至校羅叢樹間其樹有神佛坐其
下思念清淨之道去叢樹不遠有羣象五百餘頭中
有象王賢善知善惡之事譬如人狀象輩衆多周匝
象王邊中有雄雌長齒中齒少齒者象王渴欲行飲

水時諸小象走居前入水飲飲已於水中走戲撓撓
 水令濁惡象王不能得清水飲象王飢欲行食草諸
 小象復走居前食噉羨草走戲蹈踐其上象王不能
 得淨草食象王自念我羣衆多患是諸象及小象子
 撓水令濁令草不淨而返常飲濁水食足踐之草象
 王自念我欲棄是諸象去至一屏處快耶象王卽棄
 羣而去轉行入山到校羅叢樹間象王見佛佛坐樹
 下心大歡喜則前至佛所低頭屈膝爲佛作禮却在
 一面住佛自念我棄衆人來在是間象王亦復棄衆
 象來到是樹間其義適同佛爲象王說經言佛於人

中最尊象王於諸象中亦尊佛言我心與象王心適
 相中合我與象王俱樂是樹間象王聽經竟心卽開
 解曉知佛意便視佛所徜徉經行處以鼻取水灑地
 以鼻撈草掃地以足蹈地令平好象王日朝暮承事
 如是久後佛便取無爲泥洹道去象王不知佛處爲
 周旋行求索佛不得啼泣愁憂不樂不敢食飲時國
 中有佛寺舍在山上名迦羅洹中有五百沙門共止
 其中皆已得阿羅漢道常以月六齋日誦經至明時
 象王亦在山上近於寺邊象王知有六齋日誦經至
 其日象王常行入寺聽經諸沙門知象王喜聽經欲

誦經時須象王來到乃誦經象王聽經徹明不睡不
 臥不動不搖象王數聞經承事佛故久後象王亦以
 壽終死便得為人作子生婆羅門家不復聞佛經亦
 不見沙門便棄家入深山學婆羅門道在山上止近
 比亦有一婆羅門道人俱在山上相與往來共為知
 識其一人自念我歎世間縣官憂苦老病死後當入
 地獄餓鬼畜生貧窮中用是故我除頭鬚被袈裟作
 沙門求度世無為道其一人自念我願欲求作國王
 得自在令天下人民皆共屬我隨我教令兩人共願
 如是久後二人各復壽終得於世間作人其一人前

世宿命欲求作國王者生於海邊為國王太子父母
 便字子為彌蘭其一人前世宿命欲求度世無為泥
 洹道者生於天竺罽賓縣父母便字為陀獵生便被
 袈裟俱生所以與袈裟俱生者本宿命所願其家有
 一象王亦同日生天竺名象為那父母便因象字其
 子名為那先那先長大年十五六有舅父字樓漢樓
 漢作沙門有絕妙之才世間無比眼能徹視耳能徹
 聽自知所從來生行即能飛出能無間入無孔自在
 變化無所不作天上天下人民及蝻飛蠕動之類心
 所念樓漢皆預知之那先便自往到舅父計自說言

經
我意佛道欲除頭鬚被袈裟作沙門今我當爲舅父
作弟子寧可持我作沙門耶樓漢知那先宿命作善
有慧甚重哀之因聽令作沙彌那先始作小沙彌受
十戒日誦經學問思惟經戒卽得四禪悉知諸經獨
未受大沙門戒於時國山中有佛寺舍名曰愬禪愬
禪寺中有五百沙門皆得阿羅漢道中有第一阿羅
漢名頰陂曰能知天上去來見在之事那先年
滿二十因作大沙門受大沙門戒便到愬禪寺中至
頰陂曰所時五百阿羅漢適以十五日說大沙門戒
經在講堂上坐大沙門皆入那先亦在其中衆沙門

悉坐頰陂曰悉視坐中諸沙門心皆是阿羅漢獨那
先未得羅漢道頰陂曰便說譬喻經言若入折米米
正白中有黑米卽剔不好今我坐中皆清白獨那先
爲黑未得阿羅漢道那先聞頰陂曰說經如是大愁
便起爲五百沙門作禮已卽出去那先自念我不宜
在是座中坐我亦未得度脫其餘沙門皆已度脫譬
若衆師子中有狐狗今我亦如是我從今不得道者
不復入衆中坐也頰陂曰知那先意便呼那先著前
以手摩那先頭汝今得阿羅漢不久勿愁憂也頰陂
曰便欲坐止那先那先復有一師年八十餘字迦惟

曰其縣中有一優婆塞大賢善常日飯迦惟曰弟子那先至為師持應器行取飯具師令那先口含水行到優婆塞家取飯具優婆塞見那先年少端正行與人絕異宿知有慧預聞有明志之名能說經道優婆塞見那先入其舍中便即起立前為作禮却又手言我飯諸沙門日久來嘗有為我說經者今從我那先求哀願為我說經解我愚癡那先即自念我受師教令我口含水不得語我今吐水者為犯師戒如是當云何那先念優婆塞亦高才有志我為其說經想即得道那先便吐水而坐即為說經人布施作善奉行

經戒今世安隱後世便生天上下生人中即當明慧富貴後不復入地獄餓鬼畜生中人不奉行經戒者於今世苦後世復墮三惡道中無有出時優婆塞聞經心即歡喜那先知優婆塞心歡喜便復說深經言世間萬物皆當過去無有常在者萬物過去皆苦世間人身亦如是世間人皆言是我身過我許是皆不得自在泥洹道者最樂泥洹者不生不老不病不死不愁不憂諸惡勤苦皆悉消滅那先說經已優婆塞即得第一須陀洹道那先亦自得須陀洹道優婆塞大歡喜便為那先好美飯那先語優婆塞先取具著

師鉢中那先飯竟澡漱訖畢持飯具還與師師見飯具言若今日持飯具來大好已犯衆人約當逐出汝那先愁不樂師言會衆比丘僧衆比丘僧悉會坐師言那先犯我曹衆人約來當共逐出不得止衆中也頰陂曰說譬喻言如人持一箭射兩準如是曹人不應逐出也那先自說得道亦令優婆塞得道不應逐出那先師迦維曰言正使一箭中百準會爲衆人約不得畱止餘人悉不能如那先得道當已絕後不逐出那先者餘人復效無以却後衆坐中皆默然隨師教卽逐出那先那先便以頭面著師足起遍爲衆比

丘僧作禮禮竟便去入深山中坐樹下晝夜精進念道不懈便自成得阿羅漢道能飛行亦能眼徹視耳徹聽亦能知他人心中所念自知前世所從來生得阿羅漢已便卽來還入憇禪寺中諸衆比丘僧中叩頭求哀悔過愆禪諸比丘僧諸比丘僧卽聽之那先作禮竟便出去那先轉行入諸郡縣街曲里巷爲人說經戒教人爲善中有受五戒者中有得須陀洹道中有得斯陀含道者中有得阿那含道者中有作沙門得阿羅漢道者第一四天王第二忉利天帝釋第七梵天王皆來到那先前作禮以頭面著足却坐那先皆

爲諸人說經名字徹聞四天那先所行處諸天人鬼神龍見那先無不歡喜者皆得其福那先便轉到天竺舍竭國止泄坻迦寺中有前世故知識一人在海邊作國王太子名彌蘭彌蘭少小好喜讀經學異道悉知異道經法難異道人無有能勝者彌蘭父王壽終彌蘭卽立爲國王王問左右邊臣言國中道人及人民誰能與我共難經道者邊臣白王言有有學佛道者人呼爲沙門其人智慧博達能與大王共難經道今在北方大秦國名舍竭古王之宮其國中外交安隱人民皆善其城四方皆復道行諸城門皆雕

文刻鏤宮中婦女各有處所諸街市里羅列成行官道廣大列肆成行象馬車步男女熾盛乘門道人親戚工師細民及諸小國皆多高明人民被服五色焜煌婦女傳白皆著珠環國土高燥珍寶衆多四方賈客賣買皆以金錢五穀豐賤家有儲畜市邊羅賣諸美羹飯飢卽得食渴飲蒲萄雜酒樂不可言其國王字彌蘭以正法治國彌蘭者高才有智明世經道能難去來見在之事明於官事戰鬪之術智謀無不通達時王出城遊戲諸兵衆屯繞外其王心自貢高我爲王能答九十六種經道人所問不窮人心適發便

豫知所言王語諸傍臣曰尚早入城亦無所作是問
寧有明經道人沙門能與我共難經說道者無王傍
臣名沾彌利望羣沾彌利望羣白王言然有沙門字
野愁羅大明經道能與王共難經說道王便勅沾彌
利望羣行往請來沾彌利望羣卽行請野愁羅言大
王欲見大師野愁羅言大善王欲相見者當自來耳
我不往也沾彌利還白王如是王卽乘車與五百騎
共往到寺中王與野愁羅相見前問訊已便就坐五
百騎從悉皆亦坐王卽問野愁羅言卿用何故棄家
捐妻子剃頭鬚被袈裟作沙門乎卿所求何等道野

愁羅報王我曹學佛道行忠政於今世得其福後世
亦得其福用是故我除頭鬚被袈裟作沙門王問野
愁羅言有人白衣有妻子於家有妻子行忠政於今
世得其福不後世亦得其福不野愁羅言白衣於家
有妻子有行忠政於今世得福於後世亦得其福王
言白衣於家有妻子有行忠政於今世後世同得其
福卿無故而棄妻子除頭鬚被袈裟作沙門爲野愁
羅便默然無以報王傍臣白言是沙門大明健有智
迫促未及說耳王傍臣舉手言王得勝王得勝野愁
羅便默然受負王卽左右顧視諸優婆塞諸優婆塞

面亦不慙王念是諸優婆塞面亦難慙者獨復有明
經健沙門能與我相難者耳王語沾彌利寧復有明
慧沙門能與共難經說道者無時那先者諸沙門師
常與諸沙門俱出入諸沙門皆使說經那先時皆知
諸經要難能說十二部經說經而種種別異章斷句
解已知泥洹之道無有能窮者無有能得勝者能解
諸疑能明思者所言智如江海能伏九十六種道爲
佛四輩弟子所敬爲諸智者所歸仰常以經道教授
人那先來到舍竭國其所相隨弟子皆復高明那先
如猛師子沾彌利白王有異沙門字那先智慧深妙

明諸經要能解諸疑無所不通能與王共難經道王
問沾彌利審能與我共難經道不沾彌利應唯然能
與王共難經道尚能與第七梵天共難經道何況於
人王卽勅沾彌利便行請那先來沾彌利卽往到那
先所白言大王欲相見那先卽與諸弟子相隨到王
所王雖未嘗與那先相見那先在衆人中被服行步
與人絕異王遙見隱知是那先王自說言我前後所
見人衆大多入大座中大多未嘗自覺恐怖如今日
見那先那先今日定勝我我定不如矣我心惶惶不
安也沾彌利白王言那先已來在外那先旣至王問

沾彌利何所是那先者沾彌利因指示王王卽大歡喜正我所隱者竟是那先王卽見那先衣被行步與衆人絕異那先卽到前相問訊語言王便大歡喜因共對坐那先語王言佛經說言人安隱最爲大利人知厭足最爲大富人有所信最爲大厚泥洹道者最爲大快王便問那先卿字何等那先言父母字我爲那先便呼我爲那先有時父母呼我爲維先有時父母呼我爲首羅先有時父母呼我維迦先用是故人皆識知我世間人皆有是字耳王問那先誰爲那先者王復問言頭爲那先耶那先言頭不爲那先也王

復問眼耳鼻口爲那先耶那先言眼耳鼻口不爲那先王復問頸項肩臂足手爲那先耶那先言不爲那先王復問胫脚爲那先耶那先言不爲那先王復問顏色爲那先耶那先言不爲那先王復問苦樂爲那先耶那先言不爲那先王復問善惡爲那先耶那先言不爲那先王復問肝肺心脾脉腸胃爲那先耶那先言不爲那先王復問顏色苦樂善惡身心合是五事寧爲那先耶那先言不爲那先王復問假使無顏色苦樂善惡身心無是五事寧爲那先耶那先言不爲那先王復

問聲響喘息爲那先耶那先言不爲那先王復問何
 所爲那先者那先問王言名車何所爲車者軸爲車
 耶王言軸不爲車那先言輞爲車耶王言輞不爲車
 那先言輻爲車耶王言輻不爲車那先言轂爲車耶
 王言轂不爲車那先言輳爲車耶王言輳不爲車那
 先言輓爲車耶王言輓不爲車那先言輿爲車耶王
 言輿不爲車那先言扛爲車耶王言扛不爲車那先
 言蓋爲車耶王言蓋不爲車那先言合聚是諸材木
 著一面寧爲車耶王言合聚是諸材木著一面不爲
 車也那先言假令不合聚是諸材木寧爲車耶王言

不合聚是諸材木不爲車那先言音聲爲車耶王言
 音聲不爲車那先言何所爲車者王便默然不語那
 先言佛經說之如合聚是諸材木用作車因得車人
 亦如是合聚頭面耳鼻口頸項肩臂骨肉手足肝肺
 心脾腎腸胃顏色聲響喘息苦樂善惡合聚名爲人
 王言善哉善哉王復問那先能與我共難經說道不
 那先言如使王持智慧與我相問者能相難王持驕
 貴者意不能相難王問那先言智者諸何等類那先
 言智者談極相詰語相解語相上語相下語有勝有
 負正語不正語自知是非是爲最智者不用作瞋

怒智者如是王復問那先言王者語何等類那先言王者語自放恣敢有違戾不如王語者王卽強誅罰之王者語如是王言願用智者語不用王者語莫復持對王者意與我語與我語當如與諸沙門語當如與諸弟子語當如與諸優婆塞語當以與衆沙門給使者語無得懷恐怖極正心當相開悟那先言大善王言我欲有所問那先言王便問王言我已問那先言我已答王言答我何等語那先言王亦問我何等語王言我無所問那先言無所答王內自思惟念是沙門大高明慧我甫始當多有所問王意自念日欲

冥當云何明日當請那先歸於宮中善相難問王告沾彌利語那先今日迫冥明日相請歸於宮中善相難問沾彌利望羣卽白那先言日欲冥王當還宮明日王欲請那先那先言大善王卽騎馬還宮於馬上王續念那先字意念欲言那先那先念至明日明日沾彌利望羣及傍臣白言王審當請那先不王言當請之沾彌利望羣言請者當使與幾沙門俱來王言在那先欲與幾沙門俱來耳王主藏者名慳慳白王言令那先與十沙門俱來可耳復言聽那先欲與幾沙門俱來耳慳復白王言令那先與十沙門俱來可

王復言聽那先自在欲與幾沙門俱來慳復白王令
那先與十沙門俱來可耳王聞慳語大數王便瞋怒
慳所汝真慳無輩汝字爲慳不望汝強惜王物自汝
物當云何汝不知逆我意當有誅罰之罪王言可去
哀赦汝罪今我作王爲不能堪飯沙門耶慳便慙愧
不敢復語沾彌利望羣卽往到那先所便前作禮白
言大王請那先那先言王當令我與幾沙門俱行沾
彌利望羣言自在那先欲與幾沙門俱行那先便與
野憇羅等八十沙門俱行沾彌利望羣悉俱行且欲
入城沾彌利望羣道中並問那先昨日對王言無有

何用爲那先那先問沾彌利望羣卿意何所爲那先
者沾彌利望羣言我以喘息出入命氣爲那先那先
問沾彌利望羣言人氣一出不復還入其人寧復生
不沾彌利望羣言氣出不還定爲死也那先言如人
吹笳氣一出不復還入如人持鍛金箭吹火氣一出
時寧得復還入不沾彌利望羣言不復還入如人以
角吹地氣一出時寧復還入不沾彌利望羣言不復
還入那先言同氣出不復還入人何以故猶不死沾
彌利望羣言喘息之間我不能知願爲我曹解說之
那先言喘息之氣皆身中事如人心有所念者舌爲

之言是為舌事意有所疑心念之是為心事各有所
 主分別視之皆空無有那先也沾彌利望羣心即開
 解便受五戒為優婆塞那先便前入宮到王所上殿
 王即為那先作禮而却那先即坐八十沙門皆共坐
 王極作美飯食王手自著那先前飯眾沙門飯食已
 竟澡手畢訖王即賜諸沙門人一張褻袈裟革屨各
 一量賜那先野愁羅各三領袈裟各一量革屨王語
 那先野愁羅言留十人共止遣餘人令去那先即遣
 餘沙門令去留十人共止王勅後宮諸貴人妓女悉
 於殿上帷中聽我與那先共難經道時貴人妓女悉
 出殿上帷中聽那先說經時王持座坐於那先前王

言當說何等那先言王欲聽要言者當說要言王言
 卿曹道何等最要者用何等故作沙門那先言我曹
 欲棄世間勤苦不欲更後世勤苦用是故我曹作沙
 門我曹用是為最要善王言諸沙門皆不欲更今世
 後世勤苦故作沙門耶那先言不悉用是故作沙門
 沙門有四輩王言何等四那先言中有負債作沙門
 中有畏縣官作沙門者中有貧窮作沙門者中有真
 欲棄滅今世後世勤苦故作沙門那先言我本至心
 求道故作沙門耳王言今卿用道故作沙門耶那先
 言我少小作沙門有佛經道及弟子諸沙門皆多高

明我從學經戒入我心中以是故棄今世後世勤苦
故作沙門王言善哉王問言寧有人死後不復生者
不那先言中有於後世生者中有不復生者王言誰
於後世生者誰不復生者那先言人有恩愛貪欲者
後世便復生人無恩愛貪欲者後世不復生也王言
人以一心念正法善故後世不復生耶那先言人以
一心念正法念善智慧及餘善事故後世不復生王
言人以一心念正法善與智慧是二事其義寧同不
那先言其義各異不同王問那先牛馬六畜頗有智
無有智那先言牛馬六畜各自有智其心不同那先

言王曾見穫麥者不左手持麥右手刈之那先言智
慧之人斷絕愛欲譬如穫麥王言善哉王復問那先
何等爲餘善事者那先言誠信孝順精進念善一心
智慧是爲善事王言何等爲誠信者那先言誠信者
無所復疑信有佛有佛經法信有比丘僧信有阿羅
漢信有今世信有後世信有孝順父母信有作善得
善信有作惡得惡得信是以後心便清淨卽去離五
惡何等五惡一者貪婬二者瞋恚三者瞋眠四者戲
樂五者所疑人不去是五惡心意不定去是五惡意
便清淨那先言譬如遮迦越王車馬人從瀾渡水令

水濁惡過渡以去王渴欲得水飲王有清水珠置水中水即為清王便得清水飲之那先言人心有惡譬如濁水佛諸弟子得度死生之道心以清淨如珠清水人却諸惡誠信清淨譬如明月珠王言善哉善哉王問言人精進誠信者云何那先言佛諸弟子自相見輩中脫諸惡心中有得須陀洹者中有得斯陀含者中有得阿那含者中有得阿羅漢者中有因相效奉行誠信者皆亦得度世道那先言譬如山上大雨其水下流廣大兩邊人俱不知水深淺畏不敢渡如有遠方人來視水隱知水廣狹深淺自知力勢能入

水便得渡過兩邊人眾便效隨後亦得渡去佛諸弟子亦如是見前人淨心得須陀洹斯陀含阿那含阿羅漢道皆從善心精進所致也佛經言人有誠信之心可自得度世道人能制止却五所欲自知身苦者乃能得度世人皆從智慧成其道德王言善哉善哉王言何等為孝順者那先言諸善者皆為孝順凡三十七品經皆由於孝順為本王言何等為三十七品經那先言有四意止有四意斷有四神足有五根有五力有七覺意有八種道行王復問那先言何等為四意止者那先報王言佛說一為身身觀止二為觀

痛痒痛痒止三爲觀意意止四爲觀法法止是爲四
意止王復言何等爲四意斷那先言佛說已分別止
四事不復念是爲四意斷以得四意斷便自得四神
足念王復問何等爲四神足念那先言一者眼能徹
視二者耳能徹聽三者能知他人心中所念四者身
能飛行是爲四神足念王復問何等爲五根者那先
言一者眼見好色惡色意不貪著是爲根二者耳聞
好聲惡罵聲意不貪著是爲根三者鼻聞香臭意不
貪著是爲根四者口得美味苦辛意不貪著是爲根
五者身得細滑意亦不喜身得麤堅意亦不惡是爲

五根王復問何等爲五力者那先言一能制眼二能
制耳三能制鼻四能制口五能制身令意不墮是爲
五力王復問何等爲七覺意者那先言一意覺意二
分別覺意三精進覺意四可覺意五猗覺意六定覺
意七護意是爲七覺意王復問何等爲八種道行那
先言一直見二直念三直語四直治五直業六直方
便七直意八直定是爲八種道行凡是三十七品經
皆由孝順爲本那先言凡人負重致遠有所成立皆
由地成世間五穀樹木仰天之草皆由地生那先言
譬如師匠圖作大城當先度量作基址已乃可起城

那先言譬如伎人欲作當先淨除地平乃作佛弟子
求道當先行經戒念善因知勤苦便棄諸愛欲便思
念八種道行王言當用何等棄諸愛欲那先言一心
念道愛欲自滅王言善哉善哉王復問言何等爲精
進者那先言持善助善是爲精進那先言譬如垣牆
欲倒從邊拄之舍欲傾壞亦復拄之是爲精進那先
言譬如國王遣兵有所攻擊兵弱欲不如王復遣兵
往助之兵便得勝人有諸惡如兵少弱時人持善心
消滅惡心譬如王增兵得勝持五善心消五惡心譬
如戰鬪得勝是爲精進助善如是那先言精進所助

致人善道已得度世道無有還期王言善哉王復問
何等爲意當念諸善事者那先言譬如人取異種華
以縷合連繫之風吹不能散那先復言譬如王守藏
者知王帑藏中金銀珠玉瑠璃珍寶有其多少道人
欲得道時意念三十七品經譬如正所謂念度世
之道者也人有道意因知善惡知當可行知當不可
行分別白黑自思惟以後便棄惡就善那先言譬如
王有守門者知王有所敬者知王有所不敬者知有
利王者知有不利王者守門者知王所敬者知利王
者便內之知王不敬者知不利王者守門者卽不內

那先言人持意亦如是諸善者當內之諸不善者不
當內守意制心譬亦如是那先說經言人當自堅守
護其意及身中六愛欲持意堅守自當有度世時王
言善哉善哉王問那先言何等爲一其心者那先言
諸善中獨有一心最第一人能一其心諸善皆隨之
那先言譬如樓陛當有所倚諸爲善者皆著一心那
先言譬如王將四種兵出行戰鬪象兵馬兵車兵步
兵皆導引王前後佛諸經戒及餘善事皆隨一心亦
譬如兵那先說經言諸善中一心爲本學道人衆多
皆當先歸一心人身生死過去如水下流前後相從

無有住時王言善哉王復問何等爲智慧者那先言
我前說已人有智慧能斷諸疑明諸善事是爲智慧
那先言譬如持燈火入冥室火適入室便亾其冥自
明明人有智慧譬如火光那先言譬如人持利刀截
木人有智慧能截斷諸惡譬如利刀那先言人於世
間智慧最爲第一人有智慧能得度脫生死之苦王
言善哉王言那先前後所說種種種別異但欲趣却
一切惡耶那先言然佛經所說種種種諸善者但欲却
一切惡也那先言譬如王蒞四種兵雖行戰鬪初發
行時意但欲攻敵耳佛所說種種種諸善但欲共攻

去一切惡耳王言善哉善哉那先說經甚快也王復問那先言人死所趣善惡之道續持故身神行生耶更質他神行生耶那先言亦非故身神亦不離故身神那先因問王身小時哺乳時身至長大時續故身非王言小時身異那先言人在母腹中始隨精時至精濁時故精耶異也堅爲肌骨時故精耶異也初生時至年數歲時故精耶異也如人學書時傍人寧能代其工不王言不能代其工那先言如人犯法有罪寧可取無罪之人代不王言不可那先以精神罪法語王王意不解王因言如人問那先那先解之云何

那先言我故小時身耳從小至大續故身爾大與小時舍爲一身養是命所養那先問王言譬如人然燈火寧至天明不王言然燈油至明那先言燈中炷火至一夜時續火光不至夜半時故火光不至明時故火光不王言非故火光那先言然燈從一夜至夜半復更然燈火耶向晨時復更然燈耶王言不中夜起更然火續故一炷火至明耳那先言人精神展轉相續亦譬如是一者去一者來人從精神生至老死後精神更趣所向生展轉相續是非故精神亦不離故精神人死以後精神乃有所趣向生那先言譬如

乳湏化作酪取酪上肥煎成醍醐寧可取醍醐與酪上肥還復名作乳湏其人語寧可用不王言其人語不可用那先言人神乳湏從乳湏成酪從酪成肥從肥成醍醐人神亦如是從精神生從生至長從長至老從老至死死後神更復受生一身死當復更受一身譬如兩主更相然王言善哉善哉王復問那先人宥不復於後世生者其人寧能自知不那先言然有能自知者王言用何知之那先言其人自知無恩愛無貪欲無諸惡用是故自知後世不復生那先問王譬如田家耕犁種穀多收斂著笥中至後歲不復耕

不復種但仰笥中穀食其田家寧復望得新穀不王言其田無所復望那先言其田家何用知不復得穀王言其田家不復耕不復種故無所望那先言得道亦如是自知已棄捐恩愛苦樂無有貪心是故自知後世不復生王復言其人於後世不復生者於今寧有智異於人不那先言然有智異於人王言寧能有不那先言然有明王言智與明有異同乎那先言智與明等耳王言有智明者寧悉知萬事不寧有所不及知不那先言人智有所及有所不及王言何等爲智有所及有所不及那先言人前所不學前所不

及知人前所學前所及知智者所見人及萬物皆當
過去歸空不得自在人心所貪樂皆種苦本從是致
苦慧者知非常成敗之事是智爲異於人王問言人
有智慧癡愚所在那先言人有智慧諸愚癡皆自消
滅那先言譬如人持燈火入冥室室中皆明冥卽消
滅智如是人有智慧諸癡愚皆悉消滅王言人智今
爲所在那先言人行智以後智便消滅智所作者故
作那先言譬如人夜於火下書火滅字續在智者如
是有所成已智便消滅其所作續在王言智有所成
已便自滅是何等語那先言譬如人備火豫作戒火

五瓶水如有失火者其人持五瓶水水滴滅火火滅
以後其救火人寧復望得完瓶歸家用不王言其人
不復望瓶破火滅豈復望瓶耶那先言道人持五善
心消滅諸惡亦譬如瓶水滅火王言何等爲五善那
先言一者信善有惡二者不毀經戒三者精進四者
有慧念善五者一心念道爲是五善人能奉行是五
善者便得智慧便知身及萬物非常便知苦不得自
在便知空無所有那先言譬如醫師持五種藥詣病
者家以藥飲病人病者飲藥得愈醫寧復望得故藥
復行治人不王言不復望得故藥那先言五種藥者

如五善智其醫者如求道人其病者如諸惡愚癡者如病人得道度世者如病得愈人智所成致人度世道人已得道智亦自滅那先言譬如健鬪人把弓持箭前行向敵以五箭射敵得勝其人寧復望箭歸歸不王言不復望箭那先言五箭者人五智也智人從智得道如健鬪得勝敵家諸惡者如諸惡道人持五善心滅却諸惡諸惡皆滅善智即生人從善智得成度世道者常在不滅王言善哉王言如人得道後世不復生者後寧復更苦不那先言或有更苦者或有不更苦者王言更苦不更苦云何那先言身更苦耳

心意不更苦王言身更苦心意不更苦云何那先言身所以更苦者其身見在故更苦心意棄捐諸惡無有諸欲是故不復更苦王言假令得道人不能得離身苦者是為未得泥洹道耶王言人得道已無所恩愛身苦意安何用為得道王言假令人得道已成當復何留那先言譬如食物未熟不強熟也已熟亦無所復待那先言王屬所道者舍犁曰所說舍犁曰在時言我亦不求死我亦不求生我但須時可時至便去王言善哉善哉

那先比丘經卷上

音釋

撓

撓郎紹切

傍

傍蒲光切

傍

傍徘徊也

章

罽

罽梵語也此

居

居賤切

蝟

蝟行貌

愆

愆阿葛切

泄

泄先結切

輶

輶于

焜

焜戶衰切

輻

輻方六切

輻

輻古祿切

輻

輻居牙切

輻

輻履

也

吹

之

者

管

管徒東切

帑

帑衣也

穫

穫黃郭切

址

址諸氏切

帑

帑浪切

賀

賀莫候切

筓

筓石渡水

筓

筓本切

那先比丘經卷中

失譯人名附東晉錄

王問人更樂者為善耶不善也人更苦為善耶為不善也佛得無不說有樂或有苦王言如使有為無有苦那先問王言如人燒鐵著手中寧燒人手不復取水著手中其冰寧復燒人手不王言然兩手皆威也那先問王言如是兩手中物皆熱耶王言不兩熱那先言兩冷耶王言不兩冷也那先言兩手中皆燒那先言我重問王王前後兩熱當言兩熱兩冷當言兩冷何緣一冷一熱能同言燒人手乎王言智慮甚淺

近不能及是難也願那先爲我解之那先言佛經說之凡有六事令人內喜有六事令人內愁復有六事令人不喜亦不愁外復有六事令人愁王問何等爲六事令人內喜那先言一者目有所視復有所望是故令人內喜二者耳聞好聲復有所望是故令人內喜三者鼻聞好香復有所望是故令人內喜四者舌得美味復有所望是故令人內喜五者身得細滑復有所望是故令人內喜六者心得樂受復有所望是故令人內喜如是六事令人內喜王復問何等爲外六事令人喜那先言一者眼見好色念之不可常得

皆當棄捐便自思惟審然無常是故令人外喜二者耳聞好聲念之不可常得皆當棄捐是故令人外喜三者鼻聞好香念之不可常得皆當棄捐是故令人外喜四者口得美味念之不可常得皆當棄捐是故令人外喜五者身得細滑念之不可常得皆當棄捐是故令人外喜六者心念愛欲思惟念之是皆無常皆當棄捐念之是以後更喜是爲六事令人外喜王復問何等爲內六事令人內愁那先言一者令人內愁者目所不喜而見之令人內愁二者耳不欲聞而聞之令人內愁三者鼻不欲所臭而嗅之令人內

愁四者口不欲所得而得之令人內愁五者身不欲所著而著之令人內愁六者心不可所喜而有之令人內愁是爲六事令人內愁王復問何等爲外六事令人不喜那先言一者目見惡色令人不喜二者耳聞惡聲令人不喜三者鼻聞臭腥令人不喜四者舌得苦辛令人不喜五者身著麤堅令人不喜六者心有所憎令人不喜是爲外六事令人不喜王復問何等爲六事令人不喜亦不喜那先言一者目有所見亦不喜不喜二者耳有所聞音亦不喜亦不喜三者鼻有所嗅亦不喜亦不喜四者口有所得亦不喜亦

不愁五者身有所觸亦不喜亦不喜六者心有所念亦不喜亦不喜是爲內六事令人不喜不喜王復問何等爲外六事令人愁者那先言一者目所見死者因自念身及萬物無常其人自念言我有是念何以不得道因外愁二者耳不樂好音其人自念言我有是念何以不得道因外愁三者鼻不喜臭香其人自念言我有是念何以不得道因外愁四者口不味苦甜其人自念我有是念何以不得道因外愁五者身不好細滑亦不得麤堅其人自念言我有是念何以不得道因外愁六者心不喜愛欲其人自念言我有

是念何以不得道因外愁是爲六事令人外愁王言善哉善哉王復問那先人以死後誰於後世生者那先言名與身於後世生王問那先故人名身行生耶那先言不也非故名亦非故身持是名身於今世作善惡乃於後世生耳王言如使今世用是名身作善惡於後世身不復生者極可作善惡徑可得脫不復更諸苦耶那先言於今世作善後世不復生者便可得脫無耶人作善惡不止當後生耳是故不得脫那先言譬如人盜他人果破其主得盜果者將至王前白言是人盜我果其盜者言我不盜是人果是人所種

小栽耳本不種果也我自取果我何用爲盜我不盜是人果我不應有罪過那先問王言如是兩人共爭誰爲直者誰不直者王言種栽家爲直本造所種盜者無狀應爲有罪那先言盜何用爲有罪王言所以盜者有罪本種栽家所種從栽根生故上有果耳那先言人生亦譬如人今世用是名身作善惡乃生於後世今世作善惡者是本也那先言譬如人盜他人禾穉其主得盜便牽問之汝盜我禾穉爲盜者言我不盜卿禾穉卿自種禾我自取穉我何用爲犯盜兩人相牽至王前白如是誰爲直者誰爲不直王言

種禾穀爲直盜者爲不直那先言何以知盜禾穉者爲不直王言是種禾者爲本有不種禾者爲無緣何有穉那先言人生亦譬如人今世用是名身作善惡乃生於後世今世作善惡者是其本也那先言譬如人冬寒於一舍中然火欲自溫炙其人棄火而去稍稍然及壁土燒屋連及樓舍舍主因言起火者牽至王前白言是人起火延及燒我樓舍然火者言我然小火自溫炙耳我不燒樓舍那先問王誰爲直者王言本然火者爲不直本所生也那先言人生亦爾譬如人今世用是名身作善惡乃生於後世今世作

善惡者是本也那先言譬如人夜然燭火著壁欲用自照飯食燭稍却及壁上及竹木材便燒一舍火大熾延及燒一城中舉城中人民共咥言汝何爲燒一城中乃如是然火者言我但然小燭火以自照飯食耳是自大火非我火也如是便共爭訟相牽至王前那先問王言如是誰爲直者誰爲不直者王言然火者爲不直那先言何以知王言本是火所生也汝飯食已不當滅火也而令火燒一城中那先言人生亦譬如人今世用是名身作善惡乃生於後世今世作善惡者是其本也人用不知作善惡故不能得

度脫那先言譬如人以錢媾求人家小女以後女長大他人復更求媾求女得女以爲婦前所媾家來自說言汝反取婦爲後家言汝自小時媾女我自大時媾婦我何用爲嬰汝婦耶便相牽詣王前那先言王如是誰爲直者誰爲不直者王言前媾家爲直那先言王何以知王言是女本小今稍長大是故知爲直也是前媾家婦也那先言人生亦譬如是人今世用是名身作善惡乃生於後世今世作善惡者是其本也那先言譬如人持瓶從牧牛家買乳湏得湏已復還寄其主言我今還不久其人須更來還取瓶湏湏

以轉作酪買湏家言我持湏寄卿今反持酪還我牧牛者言是汝故乳今自轉爲酪兩人因共爭訟相牽詣王前那先問王言如是誰爲直者王言牧牛家爲直那先言王何以知王言汝自買湏停置地自轉成酪牧牛家當有何過那先言人生亦譬如是人今世用是名身作善惡乃生於後世今世作善惡者是其本也王復問今那先當復於後世生耶那先報王言用是爲問我前說已如使我有恩愛者後世當復生如使我無恩愛者不復生那先言譬如人竭力事王王當知其善使賜其財物其人得物極自施用衣被

飲食歡樂自樂其人論議言我有功於王王未曾有
賞賜我也那先問王如彼人得賞賜反言未曾得其
人語寧可用不王言其人語不可用那先言是故我
語王言如使我有恩愛者當復於後世生如使我無
恩愛者不復於後世生王言善哉善哉王問那先言
卿前所說人名與身何等爲名何等爲身者那先言
今見在爲身心所念者爲名王復問人何故有名行
於後世生而身不行生那先言人身以名前後相連
譬如鷄子中汁及與上皮乃成鷄子人名與身相連
如是不分也王言善哉王復問那先何等爲久者那

先言以過去事爲久當來事亦爲久見在事爲無有
久王言善哉王復問那先言審爲有久不那先言或
有久或無有久王復言何等爲有久何等爲無有久
那先言其得道泥洹者爲無久未得道當復更死生
者爲有久人於今世好布施孝於父母於當來世當
得其福王言善哉善哉王復問那先言諸以過去事
當來事今見在事是三事何所爲本者那先言已過
去事當來事今見在事愚癡者是其本也愚癡生即
生神生身生名生色生六知一爲眼知二
爲耳知三爲鼻知四爲口知五爲身知六爲心知是

爲六知是六事皆外向何等爲外向眼向色耳向聲
鼻向香口向味身向滑心向貪欲是爲六外向名爲
沛沛者合沛者知苦知樂從苦樂生恩愛從恩愛生
貪欲從貪欲生有致使生因老從老因病從病因死
從死因哭從哭因憂從憂因內心痛凡合是諸勤苦
合名爲人人以是故生死無有絕時人故本身不可
得也那先言譬如人種五穀生根從根生莖葉實至
後得穀已後年復種得穀甚多那先問王如人種穀
歲歲種穀寧有絕不生時不王言歲歲種穀無有絕
不生時也那先言人生亦如是展轉相生無有絕時

那先言譬如鷄生卵卵生鷄從卵生卵從鷄生鷄人
生死亦如是無有絕時那先便畫地作車輪問王言
今是輪寧有角無王言正圓無有角那先言佛經說
人生死如車輪展轉相生無有絕時那先言人從眼
萬物色識卽覺知是三事合從合生苦樂從苦樂生
恩愛從恩愛生貪欲從貪欲生因有致使有致因生
從生因作善惡從善惡便生耳聞聲識卽覺知三事
合從合生苦樂從苦樂生恩愛從恩愛生貪欲從貪
欲生因有致使有致因生從因生作善惡從善惡便
生鼻聞香識卽覺知三事合從合生苦樂從苦樂生

恩愛從恩愛生貪欲從貪欲生因有致從有致因生
從生因作善惡從善惡便生口得味識卽覺知三事
合從合生苦樂從苦樂生恩愛從恩愛生貪欲從貪
欲生因有致從有致因生從因生作善惡從善惡便
生身得細滑識卽覺知三事合從合生苦樂從苦樂
生恩愛從恩愛生貪欲從貪欲生因有致從有致因
生從生因作善惡從善惡便生意有所念識卽覺知
三事合從合生苦樂從苦樂生恩愛從恩愛生貪欲
從貪欲生因有致從有致因生從因生作善惡從善
惡便生那先言人展轉相生無有絕王言善哉王復

問那先卿言人生死不可得本不可得本意云何那
先言有本者當不復生有本者當復過去用是爲本
王言無本者當不復生見有本者當過去如是本爲
未絕耶那先言然皆當過去王復問那先人生死寧
有從旁增益者不那先問王言世間人及蚊行蟬動
之類寧有從旁增益者不王言我不問那先世間人
及蚊行蟬動之類我但欲問卿人生死本耳那先言
樹木生以栽爲本五穀生以穀爲本天下萬物皆各
以其類本生人從六情恩愛爲本那先言人有眼有
色有識有耳有聲有識有鼻有香有識有舌有味有

識有身有細滑有識有念有法有識從是生苦樂從
苦樂生恩愛從恩愛生貪欲從貪欲生合是諸苦乃
成爲人耳眼耳鼻口身神識念使有致并合爲沛從
沛生苦樂從苦樂生恩愛從恩愛生貪欲從貪欲因
生有致從有致因生從生因老因病從病因死因憂
從憂因哭從哭因內心痛人生如是那先言無眼不
見色不覺不知從不覺不知無有合無有合無有苦
樂無有苦樂便不生恩愛無恩愛不生貪欲無貪欲
無有致無有致不生不老不生不老不病不死不病
不死不愁不哭不哭不哭不內心痛無是諸苦便度

脫得泥洹道無耳無所聞無鼻無所嗅無口無所味
無身無細滑無識無所念無所念無沛無沛無苦樂
無苦樂無恩愛無恩愛無貪欲無貪欲無胞胎無所
胞胎無所生不生不老不老不病不病不死不死不
愁不愁不哭不哭不內心痛捐棄諸苦便得泥洹道
王言善哉王復問那先言世間寧有自然生物無那
先言無有自然生物皆當有所因那先因問王今王
所坐殿有人功夫作之耶自然生乎王言人功作之
材椽出於樹木垣牆泥土出於地那先言人生亦如
是界如和合乃成爲人是故無自然生物也皆有所

因那先言譬如窯家作器取土水和以爲泥燒作雜
器物其泥不能自成爲器會當須人工有薪火乃成
爲器耳世間無有自然生者也那先語王言譬如箜
篌無絃無柱無人鼓者寧能作聲不王言不能自作
聲那先言如使箜篌有絃有柱有人工鼓者其聲寧
出不王言有聲那先言如是天下無自然生物皆當
有所因那先問王如鑽火燧無兩木無人鑽者寧能
得火不王言不能得火那先言設有兩木有人鑽之
寧能生火不王言然卽生火那先言天下無有自然
生物皆當有所因那先問王言譬如陽燧鈎無人持

之亦無日無天寧能得火那先言如陽燧有人持之
有天有日寧能得火不王言得火那先言天下無有
自然生物皆當有因那先問王言若人無鏡無明人
欲自照寧能自見其形不王言不能自見那先言如
有有鏡有明有人自照寧能自見形不王言然卽能
自見那先言天下無有自然生物皆有所因王言善
哉王復問那先世間人寧爲有人無那先言世間不
能審有人也適當呼誰爲人王言身中命卽爲人不
那先問王人身中命能用眼視色不能用耳聽音聲
不能用鼻聞香不能用舌知味不能用身知細滑不

能用意有所知不王言能那先言今我與王其於殿上四面有窻自在欲從何窻者寧能見不王言得見那先言設令人命在身中自在欲從何孔視耳能以眼視色不能用耳視色不能用鼻視色不能用口視色不能用身視色不能用意視色不王言不能那先言設令命在耳能以耳有所聞不能以耳有所見不能以耳知香臭不能以耳知味不能以耳知細滑不能以耳有所念不那先言設令命在鼻能以鼻知香臭不能以鼻聞音聲不能以鼻知味不能以鼻知細滑不能以鼻有所念不那先言設令命在口能以口

知味不能以口有所見不能以口聽音聲不能以口聞臭香不能以口知細滑不能以口有所念不那先言設令命在身中能以身知細滑不能以身有所見不能以身聽音聲不能以身知臭香不能以身知味不能以身有所念不那先言設令命在識能以識有所念不能以識聽音聲不能以識知臭香不能以識知味不能以識知細滑不王言不能知也那先言王所語前後不相副那先言如我與王共在殿上坐徹壞四窻者視寧廣遠不王言然廣遠那先言設令命在身中捌眼去之其視寧廣遠不決耳令大其聽寧

能遠不決鼻令大聞香寧能遠不決口令大知味寧能多不副剥皮膚知細滑寧多不決判去意其令寧大不王言不也那先言王亦語前後不相副那先問王言王持藏人來入在王前住王寧覺知在前住不王言知在前那先言持藏者卽入王室寧知入室不王言知入室也那先言設令人命在身中人持味著口中能知甜醋酸鹹辛苦王言知之那先言王所語前後不相副也那先言如人沽美酒著大器中急塞一人口倒置酒中令嘗酒其人寧知酒味不王言其人不知那先言何以故不知味王言未入口到舌上

故不知味那先言王所語前後不相副王言我愚癡智未及是難願相解之那先言人從眼見色神動神動卽生苦樂意念合耳鼻口身意皆同合爲意有所念神動神動卽生苦樂從苦樂生意從生念展轉相成適無常主王言善哉王復問那先人生眼時眼與神俱生耶那先言然同時俱生王復問眼居前生耶神居前生耶那先言眼居前生神居後生王言眼語神言我所行生處汝當隨我後生相語言兩耶神語眼言汝所生處我當隨汝後生兩相語不那先言兩不相與語王言卿不言同時俱生何以故不相語那

先言有四事俱不相語那先自言何等四一爲下行
二爲向門三爲行轍四者爲數是四事俱不相語王
復問何等爲下行者那先報王言高山上天雨其水
隨流當如何行王言下行那先言後復天雨其水流
當復如何行王言當隨前流水處行那先問王言前
水寧語後水言汝當隨我後來後水寧語前水言我
當隨汝處流行前水後水相語言爾不王言水流各
自行前後不相語也那先言眼亦如水眼不語神言
汝當隨我後生神亦不語眼言我當隨汝後行生也
眼與神俱不相語也是名爲下行耳目鼻口身意亦

爾王復問何等爲向門者那先言譬如大城都有一
門其中有一人欲出當從何向王言當從門出耳那
先言後復有一人欲出當復從何向出王言故當從
前一人門出耳那先言王前出人寧語後人言汝當
隨我後出後人寧語前人言我當隨卿所從門出兩
人寧相語言爾不王言前人後人俱不相語也那先
言眼亦如門眼不語神言汝當隨我後生神亦不語
眼言我今當隨汝後生眼與神俱不相語也是爲向
門耳鼻口身意亦爾王復問那先言何等爲轍行者
那先問王言前車行有轍後車行當從何所行王言

後車當從前車轍中行那先言前車輪寧語後輪言
汝當隨我處從後來後車輪寧語前輪我當隨汝處
行寧相語言爾不王言俱不相語也那先言人亦如
是眼不語神我所生處汝當隨我生神亦不語眼我
當隨卿後生那先言耳鼻口身神俱不相語王復問
那先何等爲數那先言數者校計也書疏學問是爲
數耳目鼻口身神稍稍習知共合是六事乃爲有所
知不從一事有所知也王言善哉王復問那先言人
目生時與苦樂俱生不那先言目與苦樂俱生皆根
從合生王復言何等爲合者那先言兩相觸爲合合

者譬如兩羊相抵是爲合一羊如目一羊如色合爲
名沛譬如一手爲目一手爲色兩手合爲沛譬如兩
石一石爲目一石爲色兩石合爲沛耳目鼻身神皆
同合爲沛譬如雨石一石如神一石如志兩石合爲
沛神志合如是是名爲沛王言善哉王復問那先樂
何等類那先言自覺知爲樂那先言譬若人事國王
其人賢善王賜與財物其人得之用自快樂在所欲
爲其人自念我事王得賞賜今得樂樂如是那先言
譬如人心念善口言善身行善行善如是死後得生
天上其人於天上極意自娛樂自念言我在世間時

心念善口言善身行善是故我自致生此間得樂甚樂是爲覺王言善哉王復問那先何等爲覺者那先言從知爲覺譬如王有持藏者入藏室中自視室中自知有若干錢金銀珠玉繒帛雜香色皆知雜處是爲覺知王言善哉王復問那先言人有所念何等類那先言人有所念因有所作譬如人和毒藥自飲亦復行飲人身自苦亦復苦他人身那先言譬如人作惡死後當入泥犁中諸所教者皆入泥犁中惡人有所念所作言如是王言善哉王復問那先言何等爲內動者那先言志念內便動王言動行時云何那先言譬如銅銷銅釜有人往燒之其器有聲舉乎有餘音而行人如是志動念因行那先言燒時爲動有餘音爲行王言善哉王復問那先言能合取分別之不是爲合是爲智是爲念是爲意是爲動那先言假令以合不可復分別也那先言王使宰人作美羹中有水有肉有葱蒜有薑有鹽鼓有糯王勅厨下人言所作美羹如前取羹中水味來次取葱味來次取薑味來次取鹽鼓味來次取糯味來羹以成人寧能一一取羹味與王不王言羹一合以後不能一一別味也那先言諸事亦如是一合不可別也是爲苦樂是爲

智是爲動是爲念王言善哉善哉王復問那先言人持目視鹽味寧可別知不那先言王知乃如是耶能持目視知鹽味王言目不知鹽味耶那先言人持舌能知鹽味取不能以目知鹽味也王復言人用舌知味云那先言人皆用舌別知味王言諸鹽味皆當用舌別知耶那先言然諸鹽味皆當用舌別知耳王復問那先言車載鹽牛軛鹽車牛寧能別知鹽味不那先言車牛不能別知知鹽味也王問那先言鹽味寧可稱不那先言王智乃爾能稱鹽味王問那先言鹽味不可稱也其輕重可稱耳王言善哉王復問那先

凡人身中五知作衆事所成耶作一事成五知耶那先言作衆事所成非一事所成也譬如一地五穀當生時各各自生動類人身中五事皆用衆事各所生王言善哉善哉王復問那先世間人頭鬚髮膚面目耳鼻口身體四支手足皆完具何故中有壽命長者中有短命者有多病者中有少病者中有貧者中有富者中有貴者中有賤者中有大士者中有小士者中有端正者中有醜者中有爲人所信者中有爲人所疑者中有明孝者中有愚者何故不同那先言譬如諸樹木果衆中有醋不甜者中有苦者中有辛者

中有甜者中有正醋者那先問王言是皆樹木何故不同王言所以不同者其栽各自異那先言人亦如是心所念者各各異是故令世間人不同耳中有短命者中有長命者中有多病者中有少病者中有富者中有貧者中有貴者中有賤者中有大士者中有小士者中有端正者中有醜者中有語用者中有語不用者中有明者中有愚者那先言是故佛所言隨其人作善惡自當得之中有豪貴者中有貧窮者皆是前世宿命世作善惡各自隨其德得之王言善哉善哉王復問那先言人有欲作善者當前作之耶當

後作之乎那先言當居前作之在後作之不能益人也居前作者有益於人那先問王言王渴欲飲時使人掘地作井能赴王渴不王言不赴渴也當居前作井耳那先言人亦如是人所居皆當居前在後作者無益也那先問王王飢時乃使人耕地糞地種穀飢寧用飯耶當豫有儲王言不也當先有儲貯那先言人亦如是當先作善有急乃作善者無益身也那先問王譬如王有怨當臨時出戰鬪王能使人教馬教象教人作戰鬪具乎王言不也當宿有儲貯臨時便可戰鬪臨時教馬教象教人無益也那先言佛經說言

人當先自念身作善在後作善無益也那先言王莫棄大道就邪道無效愚人棄善作惡後坐啼哭無所益也人家棄捐忠正就於不正臨死時悔在後王言善哉善哉王復問那先卿曹諸沙門言世間火不如泥犁中火熱也卿曹復言持小石著世間火中至暮不消也卿曹復言極取大石著泥犁火中卽消盡是故我不信也卿曹復言人作惡死在泥犁中數千萬歲其人不消死是故我重不信是語也那先問王王寧聞見水中有雌蟒雌蛟雌鼈雌蟹懷子以沙石爲食不王言然皆以是爲食那先問王沙石在腹中寧

消不王言然皆消那先言其腹中懷子寧復消不王言不消也那先言何以故不消王言相祿獨當然故不消那先言泥犁中人亦如是數千萬歲不消死者其人所作罪過未盡故不消死那先問王言雌師子雌虎雌狗雌猫懷子皆肉食噉骨入腹中時寧消不王言皆消盡那先問王言其腹懷子寧復消不王言不消也那先言用何故不消王言獨用祿相故不消也那先言泥犁中人亦如是數千萬歲不消死者泥犁中人所作過惡未解故不消死那先問王言雌牛雌馬雌驢雌麋雌鹿懷子皆食草芻爲餐不王言然

皆以是爲食那先言其芻草寧於腹中消盡不王言
皆消盡那先言其腹中子寧消盡不王言不消盡也
那先言何故不消盡王言獨以相祿當然故使不消
盡那先言泥犁中人亦如是是罪過未盡故不消死
那先問王言夫人及長者富家女飲食皆美恣意食
食於腹中寧消不王言皆消那先問王言腹中懷子
寧消不王言不消也那先言何以故不消王言獨相
祿故使不消也那先言泥犁中人亦如是所以數千
歲不消死者用先世作惡故未解故不消死那先言
人在泥犁中長在泥犁中老過盡乃當死王言善哉

王復問那先卿曹諸沙門言天下地皆在水上水在
風上風在空上我不信是也那先便前取王書水適
以三指撮舉之問王言是中水爲風所持不王言然
爲風所持那先言風持水亦如是王言善哉王復問
那先言泥洹道皆過去無所復有耶那先言泥洹道
無所復有也那先言愚癡之人徑來索內外身愛坐
是故不能得度脫於老病死那先言智者學道人內
外身不著也人無有恩愛無有恩愛者無貪欲無貪
欲者無有胞胎無有胞胎者不生不老不生不老不
病不死不病不憂不哭不憂不哭不內心痛便得泥

洹道王言善哉王復問那先言諸學道者悉能得泥洹道不那先言不能悉得泥洹道也正向善道者學知正事當所奉行奉行之不當奉行者遂棄之當所念者念不當所念者棄之人如是者得泥洹道王言善哉王復問那先人不得泥洹道者寧知泥洹道爲快不那先言然雖未得泥洹道由知泥洹道爲快也王言人未得泥洹道者何以知爲快耶那先問王言人生未嘗截手足爲痛處王言人雖未嘗更截手足由知爲痛也那先言何用知爲痛也王言其人截手足時呻呼用是知爲痛那先言人亦如是前得泥

洹道者轉相語泥洹道快用是故信之王言善哉王復問那先那先寧曾見佛不那先言未曾見也王言那先諸師寧曾見佛不那先言諸師亦不見佛也如使那先及諸師不見佛者定爲無有佛也那先問王言王見五百水所合聚處不王言我不見也那先言王父及太父皆見是水不王言皆不見也那先言王父及太父皆不見此五百水合聚處天下定爲無此五百水所聚處耶王言雖我父及太父皆不見此水者實有此水那先言雖我諸師不見佛者其實有佛王言善哉

那先比丘經卷中

音釋

穉

徐醉切

呌

呼垢切

娉

匹正切

蚊

去與切

椽

重緣切

椽

徐醉切

燧

徐醉切

擿

音列

抵

與體切

噉

與體切

銷

呼玄切

鼓

是義切

糲

奴臥切

掘

渠勿切

噉

與體切

呻

與體切

那先比丘經卷下

失譯人名附東晉錄

王復問言無有復勝佛者耶那先言然無有勝佛者
 王復問何以知為無有勝佛者那先問王言如人未
 曾入大海中寧知海水為大不有五河河有五百小
 河流入大河一者名恒二者名信他三者名私他四
 者名諱又五者名施披夷爾五河水晝夜流入海海
 水亦不增不減那先言王寧能聞知不王言實知那
 先言以得道人共道說無有能勝佛者是故我信之
 王言善哉王復問那先何用知無有能勝佛者那先

問王造作書師者爲誰王言造書師者名質那先言
王寧曾見質不王言質以死久遠未曾見那先言王
未曾見質何用知質爲造書師王言持古時書字轉
相教告用是故我知名爲質那先言用是故我曹見
佛經戒如見佛無異佛所說經道甚深快人知佛經
戒已後便轉相教用是故我知爲無有能勝佛者王
復問那先自見佛經道可久之那先言佛所施教
禁經戒甚快當奉行之至老王言善哉王復問那先
人死已後身不隨後世生耶那先言人死已後更受
新身故身不隨那先言譬如燈中炷更相然故炷續

在新炷更然人身如是故身不行更受新身那先問
王王小時從師學書讀經不王言然我續念之那先
問王王所從師受經書師寧復知本經書耶悉舊得
其本經書王言不也師續自知本經書耳那先言人
身如此置故更受新身王言善哉王復問那先審爲
有智無那先言無有智那先言譬如人盜他人果菰
盜者寧有過無王言有過那先言初種栽時上無果
菰何緣盜者當有過王言設不種栽何緣有果是故
盜者無狀那先言人亦如是用今世作善惡生於後
世更受新身王言人用是故身行作善惡更新善惡

所在那先言人諸所作善惡隨人如影隨身人死但亡其身不亡其行譬如然火夜書火滅其字續在火至復成之今世所作行後世成如受之如是王言善哉王言那先寧能分別指視善惡所在不耶那先言不可得知善惡所在那先問王樹木未有果時言寧能分別指視言其枝間無有果寧可豫知之不耶王言不可知那先言人未得道不能豫知善惡所在王言善哉王復問人當於後世生者寧能自知不那先言其當生者自知王言何用知之那先言譬如田家耕種天雨時節其人寧豫知當得穀不王言然猶知

當得穀多那先言人亦如是人當於後世生豫自知王言善哉王復問那先審有泥洹無那先言審有王言那先寧能指示我佛在某處不那先言不能指示佛在某處佛以般泥洹去不可得指示指示見處那先言譬如人然大火以即滅其火火寧可復指示知光所在不王言不可知處那先言佛以般泥洹去不可復知處王言善哉王復問那先沙門寧自愛其身不那先言沙門不自愛其身王言如令沙門不自愛其身者何以故自消息臥欲得安溫輒飲食欲得美善自護視何以故那先問王言寧曾入戰鬪中不王

言然我曾入戰鬪中那先言在戰鬪中曾爲刀刃箭
所中不王言我曾頗爲刀刃所中那先問王刀刃矛
箭瘡奈何王言我以膏藥綿絮裹耳那先問王言王
爲愛瘡故以膏藥綿絮裹耶王言我不愛瘡那先言
殊不愛瘡者何以持膏藥綿絮裹以護之王言我欲
使疾愈耳不愛其瘡那先言沙門亦如是不愛其身
雖飲食心不樂不用作羨不用作好不用作肌色趣
欲支身體奉行佛經戒耳佛經說言人有九孔爲九
矛瘡諸孔皆臭處不淨王言善哉王復問那先佛爲
審有三十二相八十種好身皆金色有光影耶那先

言佛審有三十二相八十種好皆有金色有光影王
言佛父母寧復有三十二相八十種好身皆金色有
光影耶那先言佛父母無是相王言如使父母無是
相者佛亦無是相王復言人生子像其種類父母無
有是相者佛定無是相那先言佛父母雖無是三
二相八十種好身金色者佛審有是相那先問王
曾見蓮華不王言我見之那先言此蓮華生於地長
於泥水之中色甚香好寧復像類泥水色不王言不
像類地泥水色那先言雖佛父母無是諸相者佛審
有是諸相佛生於世間長於世間而不像世間之事

王言善哉王復問那先佛審如第七天王梵所行不與婦女交會不那先言然審離於婦女淨潔無瑕穢王言假令佛如第七天王所行者佛爲第七天王梵弟子那先問王第七天王者有念無念王言第七天王梵有念那先言是故第七天王梵及上諸天皆爲佛弟子那先問王言鳥鳴聲何等類王言鳥鳴聲如鴈聲那先言如是鳥爲是鴈弟子各自異類佛亦如是非第七天王梵弟子王言善哉王復問那先佛寧悉學知奉行經戒不那先言佛悉學知奉行經戒王言佛從誰師受經戒那先言佛無師佛得道時便悉

自知諸經道佛不如諸弟子學知佛所教諸弟子皆當奉行至老王言善哉王復問那先人父母死時悲啼哭淚出人有聞佛經亦復悲啼淚出俱淚出寧有別異不那先言人有父母啼泣皆感恩愛恩念愁憂苦痛此曹憂者愚癡憂耳其有聞佛經道淚出者皆有慈哀之心念世間勤苦是故淚出其得福甚大王言善哉王復問那先以得度脫者未得度脫者有何等別異那先言人未得度脫者有貪欲之心人得度脫者無有貪欲之心但欲趣得飯食支命耳王言我見世間人皆欲快身欲得美食無有厭足那先言人

未得度脫者飯食用作榮樂好人得度脫者雖飯食不以爲樂不以爲甘趣欲支命王言善哉王復問那先人家有所作念久遠之事不那先言人愁憂時皆念久遠之事王言用何等念之用志念耶用念念耶那先問王言寧曾有所學知以後念之不王言然我曾有所學知以後復忽忘之那先言王是時無忘耶而忘之乎王言我時妄念那先言可差王爲有象王復問那先人有所作皆念如甫始有所作今見在所作用念知耶那先言已去之事皆用念知之今見在之事亦用念知之王言如是人但念去事不能復

念新事那先言假令新者有所作不可念者亦如是王言人新學書技巧爲唐捐耶那先言人新學書畫者有念故令弟子學者有知是故有念耳王言善哉王復問那先人用幾事生念耶那先言人凡有十六事生念一者久遠所作生念二者新有所學生念三者若有大事生念四者思善生念五者曾所更苦生念六者自思惟生念七者曾雜所作生念八者教人生念九者像生念十者曾有所忘生念十一者因識生念十二者校計生念十三者負債生念十四者一心生念十五者讀書生念十六者曾有所寄更見生

念爲十六事生一王復問那先何等爲念久者那先
言佛弟子阿難女弟子優婆夷鳩離單罷念億世宿
念時事及餘道人皆能念去世之事如阿難女弟輩
甚衆多念此以便生念二王復問何等爲新所學生
念者那先言如人曾學知校計後復忘之見人校計
便更生念三王復問那先何等爲大事生念者那先
言譬如太子立爲王自念爲王豪貴是爲大事生念
四王復問那先何等爲思善生念者那先言譬如爲
人所請呼極善意賓遇待之其人自念言昔日爲某
所請呼善意待人是爲思善生念五王復問那先何

等爲更苦生念那先言譬如人曾爲人所拋捶閉繫
牢獄是爲更苦生念六王復問那先言何等爲自思
惟生念者那先言譬如曾有所見若家室宗親及畜
生是爲自思惟生念七王復問那先言何等爲曾雜
所作生念者那先言譬如人名萬物字類色香臭甜
苦念此語事是爲雜生念八王復問那先言何等爲
教人生念者那先言人自喜忘邊人或有者或忘者
忘爲教人生念九王復問那先言何等爲像生念者
那先言人牛馬各自有像類是爲像生念十王復問
那先何等爲曾所忘生念者那先言譬如人卒有所

忘數數獨念得之是爲曾所忘生念十一王復問那先何等爲因識生念者那先言學書者能求其字是爲因識生念十二王復問那先何等爲校計生念者那先言如人共校計成就悉知策術分明是爲校計生念十三王復問那先何等爲負債生念者那先言譬如顧鼓所當債歸是爲債局生念十四王復問那先何等爲一心生念者那先言沙門一其心自念所從來生千億世時事是我爲一其心生念十五王復問那先何等爲讀書生念者那先言帝王有久古之書念言某帝某年時書也是爲讀書生念十六王復

問那先何等爲曾有所寄更見生念者那先言若人有所寄更眼見之便生念是爲所寄生念王言善哉王復問那先佛寧悉知去事甫始當來事耶那先言然佛悉知之王言假令佛悉知諸事者何故不一時教諸弟子何故稍稍教之那先問王國中寧有醫師無王言有醫師寧能悉知天下諸藥不王言能悉識知諸藥那先問王其醫師治病爲一時與藥稍稍與之王言人未病不可豫與藥應病乃與藥耳那先言佛雖悉知去來見在之事亦不可一時悉教天下人當稍稍授經戒令奉行之耳王言善哉王復問那先

卿曹沙門言人在世間作惡至百歲臨欲死時念佛死後者皆得生天上我不信是語復言殺一生死卽當入泥犁中我不信是語那先問王如人持小石置水上石浮耶没耶王言其石没那先言如令持百枚大石置船上其船寧没不王言不没那先言船中百枚大石因船故不得没人雖有本惡一時念佛用是故不入泥犁中便得生天上其小石没者如人作惡不知佛經死後便入泥犁中王言善哉王復問那先卿曹用何等故行學道作沙門那先言我以過去苦現在苦當來苦欲棄是諸苦不欲復受更故行學道

作沙門王復問那先苦乃在後世何爲豫學道作沙門那先問王王寧有敵國怨家欲相攻擊不王言然有敵國怨家常欲相攻擊也那先問王敵主歸來時王乃作鬪具備守掘塹耶當豫作之乎王言當豫有儲待那先問王用何等故豫作儲待王言備敵來無時故那先問王敵尚未來何故豫備之那先復問王飢乃田種渴乃掘井耶王言皆當豫作之那先言尚未飢渴何故豫作調度王言善哉王復問那先第七梵天去是幾所那先言甚遠令石大如王殿從第七梵天上墮之六月日乃墮此間地耳王言卿曹諸沙

門言得羅漢道如人屈伸臂頃以飛上第七梵天上
王言我不信是行數千萬億里何以疾乃爾耶那先
問王王本生何國王言我本生大秦國國名阿荔散
那先問王阿荔散去是間幾里王言去二千由旬合
八萬里那先問王頗曾於此遙念本國中事不王言
然恒念本國中事耳那先言王試復更念本國中事
曾有所作爲者王言我卽念已那先言王行八萬里
反復何以疾王言善哉王復問那先若有兩人於此
俱時死一人上生第七梵天一人生罽賓去是七百
二十里誰爲先到者那先言兩人俱時到耳王言相

去遠近大多何以俱至那先問王試念阿荔國王言
我已念之那先復言王試復念罽賓王言我已念之
那先問王念是兩國何所疾者王言俱等耳那先言
兩人俱死一人上生第七梵天上一人生罽賓亦等耳
那先問王若有一雙飛鳥一鳥於大樹上止一鳥於
小甲樹上止兩鳥俱止誰影先在地者王言其影俱
到地耳那先言兩人俱死一人上生第七梵天上一人
生罽賓亦俱時至耳王言善哉王復問那先人用幾
事學知道那先言用七事學知道何等爲七一者念
善惡之事二者精進三者樂道四者伏意爲善五者

念道六者一心七者適遇無所憎愛王復問那先人
用此七事學知道耶那先言不悉用七事學知道智
者持智別知善惡用是一事別知耳王復問那先假
令用一事知者何爲說七事那先問王如人持刀著
鞘中倚壁刀寧能自有所割截不王言不能有所割
截那先言人心雖明會當得是六事共成智耳王言
善哉王復問那先人家作善得福大耶作惡得殃大
耶那先言人作善得福大作惡得殃小人家作惡日
自悔過是故其過日小人家作善日夜自念歡喜是
故得福大那先言昔者佛在時其國中有人杻無手

足而取蓮華持上佛佛卽告諸比丘言此杻手足兒
却後九十一劫不復墮入泥犂中畜生薜荔道中得
生天上天上壽終復還作人是故我知人作小善得
福大作惡其人自悔過日消滅而盡是故我知人作
過其殃小王言善哉王復問那先智者作惡愚人作
惡此兩人殃咎誰得多者那先言愚人作惡得殃大
智人作惡得殃小王言不如那先言王言我國治法
大臣有過則罪之重愚民有過則罪之輕是故智者
作惡得殃大愚者作惡得殃小那先問王譬如燒鐵
在地一人知爲燒鐵一人不知兩人俱前取燒鐵誰

爛手大者耶王言不知者爛手大那先言愚者作惡不能自悔故其殃大智者作惡知不當所爲日自悔過故其殃少王言善哉王復問那先人有能持此身飛行上至第七梵天上及至鬱單越地及所欲至處者不那先言能王言奈何持此身上第七梵天及鬱單越地及所欲至處乎那先問王王寧自念少小時跳戲一丈地不王言我年少時意念欲跳便跳一丈餘地那先言得道之人意欲跳至第七梵天上及至鬱單越地者亦爾王言善哉王復問那先卿曹諸沙門言有骨長四千里何等身骨乃長四千里那先問

王曾聞大海中有大魚名質身長二萬八千里者不王言然有是我曹聞之那先言如是二萬八千里魚其脇骨長四千里王怪之爲王復問那先卿曹諸沙門說言我能斷喘息之事王言奈何斷喘息氣耶那先問王寧曾聞志不王言我聞之那先言王以爲志在人身中耶王言我以爲志在人身中那先言王以爲愚人不能制其身口者不能持經戒者如此曹人亦不樂其身那先言其學道人能制身口能持經戒能一其心得四禪便能不復喘息耳王言善哉王問那先爲呼言海海爲是水名爲海耶用他事故言海

那先言人所以呼爲海者水與鹽參各半是故爲海耳王復問那先何以故海悉鹹如鹽味那先言所以海水鹹者淡畜以來久遠及魚鼈蟲多共清便水中是故令鹹耳王言善哉王復問那先人得道以寧能悉思惟深與衆事不那先言然人得道以能悉思惟深與之事那先言佛經最深與知衆事不可稱量衆事皆智平斷之王言善哉王復問那先人神智自然此三事寧同各異那先言人神者主覺智者曉道自然者虛空無有人王復問那先言得人何等爲得人者眼視色耳聽聲鼻聞香口知味身知麤輒志知善

惡之事何所爲得人者那先問王如令人能目自視脫瞳子去之視寧廣遠不裂大其耳聽聲寧廣遠不決鼻令大其聞香寧多不開口令大知味寧多不剝割肌膚寧令信知麤輒不拔去其志盛念寧多不王言不也那先言佛在所作甚難佛所知甚妙王復問那先所作何等甚難何等甚妙那先言佛言能知人腹中目所見事悉能解之能解目事能解耳事能解鼻事能解口事能解身事能解敗事能解疑事能解所念事能解神事那先言人取海水舍之寧能別知口中水是泉水是某流水是某河水王言衆水皆合

爲一難各別知那先言佛所作爲難皆能別知是諸
水味今海水見目前之事王尚不能別知今人神不
見人身中有六事不可見那先言是故佛解之從心
念至目所見從心念至耳所聽從心念至鼻所嗅從
心念至口知味從心念至身知苦樂寒溫麤堅從心
念有所向佛悉知分別解之王言善哉那先言夜已
半我欲去王卽勅傍臣取四端氈布搵置麻油中持
以爲炬當送那先歸恭事那先如事我身傍臣皆言
受教王言得師如那先作弟子如我可得道疾王諸
所問那先輒事事答之王大歡喜王卽出中藏好衣

直十萬已上那先王語那先從今已去願那先日與
八百沙門共於宮中飯食及欲所得皆從王取之那
先報王我爲道人略無所欲王言那先當自護亦當
護我身那先言何等當自護及護王身王報言恐人
論議呼王爲慳那先爲王解諸狐疑而不能賜與恐
或人言那先不能解王狐疑故王不賞賜王言那先
受者當令我得其福那先亦當護其名王言譬如師
子在金檻中猶爲拘閉常有欲望去心今我雖爲國
王在宮省中其意不樂欲棄國去而行學道王語竟
那先便起歸佛寺那先適去王竊自念我問那先爲

何等事那先爲解我何等事王自念我所問那先莫
不解我意者那先歸佛寺亦自念王問我何等事我
亦報王何等事那先自念王所問者我亦悉爲解之
念此事至天明明日那先被袈裟持鉢直入宮上殿
坐王前爲那先作禮已乃却坐王白那先那先適去
我自念問那先何等語那先報我何等語我復自念
所問那先那先莫不解我意者我念是語歡喜安臥
至明那先言我行歸舍亦自念王爲問我何等事我
亦爲王說何等事我復自念王所問我輒爲解之用
是故歡喜至明語竟那先欲去王便起爲那先作禮

ラノ
廿
六